

Papagraun autim wari...



LNG PAPA-GRAUN... Ol papa-graun bilong multi-bilian-kina PNG LNG Projek long Hela Provins i wet ausait long opis bilong Praim Minista na NEC long Morauta Haus long askim gavman long peim-aut ol mani i kam long Bisnis Developmen Gren (BDG), Infra-straksa Developmen Gren (IDG), Ministariel Komitmen, na ol MoA fan aninit long Kokopo UBASA na LBBSA.

Poto: Nicky Bernard

Ritim stori long pes 19...

Ileksen 2012 bai go het - Trawen

Aja Alex Potabe i raitim

ILEKSEN 2012 bai go het bikos gavman bai brukim Mama Loa o Konstitusen sapos ol i tingting long su-

rukim dispela ileksen, Ilektoral Komisin (PNGEC) i tok.

Sif Ilektoral Komisina, Andrew Trawen i tok, pawa bilong ronim ol ileksen long

kantri i stap long Ilektoral Komisin (PNGEC) na nogat wanpela man i nap long stopim ron bilong dispela ileksen bikos em bai brukim loa.

“Olgeta det long ronim ileksen i stap long Mama Loa. Olsem na sapos gavman i tingting long surukim dispela ileksen, em bai brukim Seksen 105 (1) (a) bilong Maa Loa na ol i mas senisim Ogenik Loa bilong Nesenel na Lokol-level Gavman Ileksen,” Trawen i tok.

Seksen 105 (1) (a) i tok: “jeneral ileksen mas kamap insait long 3-pela

mun bihain long dispela de we kisim bek bilong ol rit pepa bilong pastaim ileksen bai kamap na makim 5-pela yia stret.”

Trawen i tok Gavana-Jeneral, Se Michael Ogio, i givim tok orait pinis long PNGEC long ronim dispela ileksen long taim stret, na PNGEC bai tokim em long givimaut ol rit pepa long Epril 27 long larim ileksen kamap long Jun 23.

“Em wok bilong mi long sekim gut Mama Loa long larim ol ileksen i ron gut long taim bilong en stret. Disisen bilong stopim o surukim ileksen mas i kam

long PNGEC tasol. Nogat, PNG bai no inap long bilip long wok bilong PNGEC,” Trawen i tok.

Em i tok long 2002, Morauta gavman i bin kisim PNGEC i go long kot long surukim ileksen tasol PNGEC i bin bihainim Mama Loa na karimaut ileksen long taim stret.

“Wok bilong mekim plen, redim ol samting, na ronim ileksen olgeta 5-pela yia em i wok bilong PNGEC aninit long Mama Loa na mipela i gat bilip long pinisim stretim bilong olgeta Komon Roll na kamapim stretpela ileksen long Jun.

IGO MOA LONG PES 2

P4 -Sabina inglis: The Uncertainty Ahead!

P5 - Sabina pisin:

No klia long ol samting bai kamap!

GLOBE
...the perfect choice
VITAMIN ENRICHED
More Easy, More Tasty, More Healthy.

Harim bilong Spesol Refrens long Epril 2

Aja Alex Potabe i raitim

HARIM bilong tupela Suprim Kot Spesol Refrens bilong Atoni-Jeneral Dokta Allan Marat na Nesanel Palamen bilong painimaut sapos gavman bilong Peter O'Neill em i tru tru gavman aninit long Mama Loa bilong kantri, bai kamap long Epril 2, 2012 bihain long tripela jas husat i harim dispela refrens i surukim kot.

Dispela Refrens i laik painimaut sapos ol senis palamen i bin mekim long loa bilong Praim Minista na Nesanel Eksekutiv Kausil (PM & NEC Act) long 9 Disemba 2011, na luksave bilong

Gavana-Jeneral long gavman bilong O'Neill bihain long palamen i pasim dispela loa long rausim Gren Sif Se Michael Somare olsem Rijinel Memba bilong Is Sipek Provins, em i aninit long Mama Loa.

Deputi Sif Jastis, Gibbs Salika, Jastis Bernard Sakora na Jastis Nicholas Kirriwom i bin givim 5-pela Kot Oda long ol loya bilong olgeta pati o intavina husat i intavin long dispela refrens.

Dispela Kot Oda i tokaut olsem:

- Harim bilong Suprim Kot Refrens (SCR) 1 na 2 bilong 2012 bai kamap long wankain taim;
- Olgeta pati o ol loya bi-

long intavina mas bung na wanbel long laspela askim long harim dispela refrens, na laspela toktok bilong wanbel na asua samting long 5 Mas 2012;

- Dokta Allan Marat na Nesanel Palamen i mas givim long kot, long 12 Mas 2012, ol pepa bilong nupela loa bilong PM & NEC Act, to orait i kam long Palamen Spika long dispela loa, tok orait na han-mak bilong Gavana-Jeneral long dispela loa na makim bilong O'Neill olsem praim minista, na pepa bilong senis ol i bin mekim long SCR 3 bilong 2011 (o Is Sipik Spesol Refrens);

- Tupela Refrens SCR 1 na 2 mas kam bek long kot long 16 Mas 2012 long sekim ol dispela samting gen; na
- De bilong harim bilong dispela tupela Refres i stap olsem Mande 2 Epril, 2012 long 9:30 moning.

Ol pati husat i nau intavin o joinim dispela refrens (wantaim ol loya bilong ol) em:

Dokta Allan Marat olsem Atoni-Jeneral na Jastis Minista bilong O'Neill-Namah gavman (Tiffany Twivey), Spika Jeffrey Nape olsem Nesanel Palamen (Peter Donigi), Peter O'Neill olsem Praim Minista (Michael Wilson), Belden Namah olsem Deputi Praim Minista (Manuel Variti-

mos), Francis Marus olsem Deputi Palamen Spika (Charles Mende), na Sam Basil na Jamie Maxton-Graham (Loani Henao).

Long narapela sait, Kerenga Kua i makim maus bilong Gren Sif Se Michael Somare na Sir Arnold Amet, taim Ribink Pato i sanap long makim Is Sepik Provins Eksekutiv.

Kot i rausim ol arapela intavina olsem Fred Yakasa na Tom Kurlunga bikos tupela i nogat wanpela pawa long mekim wanpela disisen long gavman. kot i bin painim olsem tupela i wokman bilong gavman na makim bilong tupela i stap long han bilong tru tru gavman, we nau dispela refrens i laik painimaut.

Wari long pis na ol wara abus i dai

...Laikim wok painimaut mas kamap

BIKPELA wari i stap nau wantaim ol bikman na ol pleslain long ol pis na abus bilong wara i wok long dai nating long Wara Makam na Wara Watut long Finsafen na Makam eria long Morobe provins.

Wanpela long ol em Huon Galp memba na pastaim Helt Minista long Somare Gavman, Sasa Zibe.

Tupela wik i go pinis, ol pipel bilong Labu husat i stap klostu long Wara Makam Bris i bin painim ol dai pis, kindam na ol malio i flout antap long wara. Na ol bin sutim tok long Morobe Maining kampani long bagarapim wara wantaim ol posin pipia bilong wok maining i save go long wara na kilim ol pis na ol arapela abis bilong wara.

Ol i tok wara i save givim ol kaikai na i laip blut bilong ol. Long dispela wik, lidaman na Palamen memba, Mista Zibe i sanap long sait bilong pipel bilong em na skruim singaut i go long gavman, ol atoriti na ol saveman long kirapim wok painim hariap na painim as bilong dispela birua long ol pis i dai long Wara Makam na Watut.

"Mi gat bikpela wari tru taim mi harim olsem, ol pis na sampela ol abus bilong wara i wok long dai nating-nating long wara Markham na Watut. Na mi singautim pinis ol gavaman atoriti na save man long kirapim wok-painimaut hariap, na tok stret long wanem asua o birua i kamap na kilim dai ol pis na ol narapela abus bilong wara.

Long lukluk bilong mi, dispel kain asua bilong ol pis i dai nating-nating long wara i ken kamap long tupela bikpela rot o as tingting

"Namba wan em, naturel disasta o sampela hevi bilong graun bai kirapim indai bilong ol pis na narapela ol abus bilong wara. Namba tu em, ol bagarap we ol man yet bai kamapim na bai kilim indai ol pis na abus bilong wara.

"Olsem na sapos yumi gat kain asua o disasta i kamap, yumi hariap tru skelim ol saveman long kirapim wok-painimaut, na tokim yumi stret em wanem asua, na husait tru i kamapim.

"Long dispela kain rot tasol yumi ken stretim asua na maski long yumi sutim tok i go na i kam, na bagarapim yumi yet na ol narapela lain.

"Mi laik kisim dispela taim na givim tok lukaut i go long pipel bilong Huon Districk long Morobe Provins na PNG olsem; dispela kain hevi o bagarap bilong bus, graun na wara em bai stap wantaim yumi olgeta taim sapos yumi nogat gutpela plen na wok mak long bringim bikpela risos projek development i kam insait long bus, graun na wara bilong yumi.

Bemobile em bilong PNG...Mani bai stap hia



Sif komesel opisa bilong Bemobile, Alan Barry, i soim ol reit bilong ol taim ol save yusim ol narapela network. Foto Nicky Bernard.

DISPELA wik Bemobile i tokaut long ol reit bilong ol we ol kastoma bilong ol i save yusim go long ol narapela network.

Sif komesel opisa bilong Bemobile long Papua Niugini na Solomon Ailan, Alan Barry, i tok, ol reit bilong bemobail i go long ol narapela network i daunbilo moa. Tasol long narapela network i kam long Bemobile i antap moa.

Em tok long dispela wik, Bemobile givim ol kastoma bilong em long sampela gutpela na nupela ol reit.

Sapos yu ringim Bemobile i go long Bemobile, bai yu yusim 10t tasol long wanpela minit.

Sapos yu laik salim sms i go long Bemobile, em bai fri long 11 kilok long nait na bai pinis long 6 kilok long moning.

Mista Barry tok ol i winim tru ol narapela network long supa ov pik taim bilong ol, em nogat narapela mobail kampani long Papua Niugini i save mekim olsem.

Em toktok strong tru i go long ol Papua Niugini manmeri na pikinini

long sapatim Bemobile long wanem Bemobail em bilong PNG stret. Em tok ol narapela mobile kampani em mani bilong ol bai go outsait long Papua Niugini.

Mista Barry i tok ol nupela samting bilong helpim spit bilong bemobile i kam pinis na long pinis bilong dispela yia, bai Bemobile i karamapim olgeta hap long Papua Niugini.

Dispela ol nupela reit bai helpim tru ol kastoma bilong Bemobile insait long kantri na tu, bai no inap westim planti yunit.

Ileksen 2012 bai go het...

I kam long pes 1

"Palamen i pret nogut dispela ileksen i bagarap tasol mi gat bikpela bilip long ol wok bilong Komisnin. Ol wokman bilong Komisnin i save long wok bilong ol yet gut. Olsem na yumi olgeta i mas wokbung na sapatim PNGEC long kamapim fri, fea na seif ileksen," Trawen i tok.

Em i tok ol i nau kam arere long pinisim stretim bilong ol Komon Rol na ol bai pinisim dispela wok long April 27.

Trawen i tok em i gutpela long kamapim nupela baio-metrik sistem bilong ronim ileksen, tasol PNGEC i mas traim dispela pastaim na sapos em i wok gut, em i mas yusim long ronim dispela ileksen.

PNGEC i amamas long yusim dispela sistem tasol em bai westim taim gen long testim na sapos em i go karangi, PNGEC bai westim mani gen, na dispela i ken bagarapim ileksen.



Ilectorel Komisina Andrew Trawen...

SELF EMPLOYED MAKE MONEY

Then become a DEALER for LIFEasy TRU Limited.
Ph: 4724616

For REMOTE and RURAL areas
SOLAR LIGHTS, SOLA LANTERNS
SOLAR PHONE CHARGER
HEAD LAMPS WATER POWERED
WATER PUMPS

ALL SOLD WITH WARRANTY:

Kekeno: Saut Koroba komon rol pulap long 'giaman nem'

Aja Alex Potabe i raitim

TAIM bilong Ileksen 2012 bai kamap long Epril 27, tasol Komon Rol bilong Koroba-Lake Kopiago ilektoret insait long nupela Hela Provins i pulap long ol giaman nem.

Dispela kain pasin bilong putim giaman nem long Komon Rol, pasin bilong vot tupela o planti taim, pretim ol manmeri wantaim gan, pait long stilim ol balot bokis na pepa, na mekim ol arapela pasin korapsen, i bin bagarapim Ileksen 2002 long Hela na Sauten Hailans.

Tasol sampela manmeri long Koroba-Lake Kopiago i wok long senisim ol nem bilong ol manmeri na putim ol giaman nem long komon rol, na sampela kaunsel wot long hap i lukim namba bilong ol manmeri inap long vot i go antap tru.

Memba bilong Koroba-Kopiago, John Kekeno, i bin kirap nogut taim em i bin lukim dispela pasin korapsen i bin kamap pinis long ilektoret bilong en, na em i singaut strong long gavman na Ilektoral Komisin long putim nupela baio-metrik sistem bilong vot.

Kekeno i tok insait long Saut Koroba LLG tasol, i bin i gat 17 o 18, 000 moa manmeri long Ileksen 2007, tasol em i bin paul long lukim insait long 5-pela yia tasol, populesen

o namba bilong manmeri i bin groa i go antap long 54, 000.

"Long wanpela ples long Tumbite, insait long Saut Koroba, i bin i gat 2, 690 manmeri husat inap long vot, tasol nau namba i go antap long 27, 000. Long Hetemari i bin i gat 467 manmeri husat inap long vot, tasol ol i putim sampela moa giaman nem tu i go insait na mi lukim 4, 060 nem bilong manmeri i stap long Komon Rol," Kekeno i tok.

Kekeno i tok sampela man husat i tingting long sanap long ileksen i wok long kamapim dispela pasin bilong putim ol giaman nem i go insait na ol i wok long givim mani na ol arapela samting long ol wok manmeri bilong Ilektoral Komisin na mekim dispela pasin we loa i tambuim.

"Ol man husat i tingting long sanap long dispela ikesen i mekim dispela pasin i stap. Ol i wok long brukim loa long mekim ol eli kempen. Ilektoral Komisin mas lukim dispela bikpela asua, we em i ken bagarapim ileksen long Hela Provins," em i tok.

Long yia 2002, ileksen long Hela Provins i bin bagarap bikos i bin i gat planti giaman nem na ol man i bin yusim ol gan long stilim balot pepa na bokis. Ol i bin pretim ol meri na pikinini na bikpela pait i bin kamap long Tari, Koroba na Pureni.

BSP Personal Loan

- ✓ Fast Loan Approval
- ✓ Competitive interest rates
- ✓ Flexible repayment terms

Visit your nearest BSP branch and talk to us today!

180 1212 24/7
Servicebsp@bsp.com.pg
www.bsp.com.pg

BSP

Niupela Maggi MagicTeist

Wanpela kain kuing pauda

Bai givim BEST teist long kainkain kuk

THE UNCERTAINTY AHEAD

One of the central aspects of the Hindu beliefs is the theory that life revolves around a cycle whereby you start with creation, then you move to maintenance of order that ends finally in destruction. Thus, if you look at what is now happening in PNG, it makes you wonder if the Hindu belief is in fact the way life has been ordained to maintain itself and for itself with the notion that everything else within the circle must follow suit because we are dealing with an universal order of things.

Thus, we started with Independence and with that we set in order a scheme of things under an umbrella called, "the rule of law". Then we started to build up a statehood under the name, "The Independent State of Papua New Guinea". And we named the inhabitant, "a citizen" of the Independent State of Papua New Guinea. With that we copied the economic system of the West as a model from which to base our national economy and copied everything else including their bad habit of indulging in alcohol non stop from Friday to Sunday.

Seen from that point of view, the period commencing 1975 to about 1980 was a period of nation building, for lack of a better term. We played by the rule of law for at least 5 years and for the next 5 years to 1985, we were experimenting with bribery and corruption brought in from South East Asia by Chinese and Philipinos alike. We started to



chinery of government can no longer move without any bribery and corruption money changing hands.

If you survey the political arena, you will note that the people who were at the

"bingo" with their lives.

And it is little wonder that the common man does not care if O'Neill or Namah should commit blunders like breaking all the laws in a Statute Book to punish


little bank called BSP, we the people lost our trust and confidence in you. It is rumoured that you are now trying to do the same thing with Air Niugini where you are considering a possible sale to APNG, an airline noted for its very bad safety record in such a short time of operation in PNG.

WE ask: Is this why you have placed your lieutenant Garth McIlwain as the Chairman of Air Niugini and also appointed Greg Sheperd, your legal eagle to mastermind a possible merger like the shady deal involving PNGBC and BSP? And why is the Ombudsman Commission sitting on its ass and not doing anything about people like Morauta who can sack a professional company executive only to be replaced by his personal staff member? Is this not against the leadership code?

And when will the present government start to obey the law and that way try to bring things under control so that this country can allow the people and the institutions in the country to bring back normalcy into the country.

The way things are now, there is far too much uncertainty with the effect that the public servants are all too scared for their jobs and the businessman cannot tell whom he is talking to in case he gets visited in the middle of the night by a group of thugs calling themselves policemen seeking to arrest him for some "cooked up" crime.

Is this the way to run a country? Over to you Peter O'Neill!



ask for and received small amounts for lunch, smoke and betelnut. Then from about 1985 to 1990, we started to improve on our modus operandi and the politician took the lead by dining, wining and dancing with the foreign businessman who came into the country looking for easy money.

The order of the day was characterized by a pot bellied businessman in his safari suit carrying a leather briefcase stuffed with K50 notes to pay his way around bureaucracy and red tape. Then come the year 2000, the game of bribery and corruption reached its peak and since then the entire institution of State and the ma-

helm at Independence and are still at the forefront now are the people who were responsible for the way PNG had "evolved" to where it is now. Take Sir Michael for instance. He was in and out of power for close to 40 years and so was Sir Julius and yet in their political career they never thought of giving the people free health and free education.

The nation had to wait for close to 40 years for someone to think, "boy, we forgot to offer the people free health and education". Parliament had to go out of its way to arrest power off Somare and his mob to offer the people something in return for having sat and watched the boys play

those whom they blame for a lot of things that went wrong during the Somare regime's reign.

Thus, one can now witness people being deported for political reasons, Heads of statutory corporations being fired and replaced by political cronies such as in the case of Telikom where Sir Mekere sacks a company executive only to be replaced by one of his ministerial staff. Sir Mekere, you were at one time considered a senior statesman. Unfortunately, you are no longer considered one at this very moment.

After you did a Judas Deal with the sale of PNGBC to a

NO KLIA LONG OL SAMTING BAI KAMAP

WANPELA long ol bikpela bilip bilong lotu Hindu em, long laip i raun olsem sekel we yu stat wantaim kriesen na yu muv i go long lukautim oda na las long en, pinis long bagarap. Olsem na sapos yu lukluk long PNG na ol samting i kamap long en nau, em i mekim yu i tingting planti sapos bilip bilong Hindu em i we laip i sapos long lukautim em yet na long en yet, wantaim tingting olsem olgeta samting insait long sekel i mas bihainim oda long wanem, yumi wok long dil wantaim yunivesel oda bilong ol samting.

Olsem, na yumi bin stat wantaim Indipendens na wantaim dispela, yumi bin putim oda long bihainim long mekim ol samting aninit long wanpela ambrela yumi kolim "rul bilong loa." Na yumi stat long bildim stet aninit long nem, "Indipenden Stet bilong PNG." Na yumi kolim ol manmeri bilong dispela kantri, "sitisen" bilong Indipenden Stet bilong PNG. Wantaim dispela, yumi bin kopim ikonmik sistem bilong Wes olsem modol we nesenel ikonmi bilong yumi i bihainim na yumi kopim olgeta samting i karamapim ol samting nogut olsem dringim bia i stat long Fraide inap long Sande.

Taim yumi glasim ol samting, piriet o taim namel long 1975 inap long 1980 em piriet we yumi bin wok long bildim nesen, sapos i nogat narapela we long putim. Yumi bin bihainim loa long 5-pela yia, na long narapela 5-pela yia i kam inap long 1985, yumi wok long eksperimen wantaim braiberi na korapsen yumi baim long Sautis Esia long ol Saina lain na ol Filipino. Yumi bin stat long askim long na kisim ol



masineri i no inap muv sapos ol i no kisim braiberi na korapsen mani.

Sapos yu glasim politikel eria, bai yu lukim olsem ol lain i bin bosim kantri long taim PNG i kisim Indipendens na i stap yet long fran

laim "bingo' wantaim laip bilong ol.

Na ol liklik pipel na ol man nating i no wari sapos O'Neill o Namah i wokim ol asua olsem brukim ol loa long Buk bilong Stet long givim mekim save ol lain we ol i sutim tok

Dil taim yu salim PNGBC i go long liklik benk ol i kolim long BSP, mipela ol pipel bilong PNG i no bin gat bilip long yu. Tokwin mipela i harim em i olsem yu laik wokim wankain samting long Air Niugini we yu wok long tingting long salim em i go long APNG, balus kampani we sefti rekot bilong em i no gutpela long sotpela taim em i operet long PNG.

Mipela i askim: Long dispela tasol na yu putim Lutenen bilong yu, Garth McIlwain, olsem Siaman bilong Air Niugini na tu, makim Gtrg Sheppard olsem ligel igel o bos long mastamainim tupela (balus kampani) i kamap wanpela, olsem dispela i bin kamap long PNGBC na BSP? Na watpo, Ombutmen Komisin i sindaun tasol long as bilong em na i no wokim samting long ol lain olsem Morauta husat i ken rausim ol profesenel kampani eksekutiv na putim ol woklain bilong em yet long kisim ples bilong ol? Dispela i no agensim lidasip koud o loa?

Na wanem taim nau gavman bai stat long bihainim loa na long dispela rot, bai ol samting i stap aninit long kontrol, na larim ol pipel na ol institusen i kisim kantri i go bek long nomol we bilong stap na mekim ol samting. Long nau, planti samting i stap long kwesten mak na ol pablik sevan i pret long ol wok bilong ol. Na ol bisnis man i pret long toktok long husat, nogut sampela raskol lain husat i kolim ol yet ol polis man i go long haus bilong ol long nait long holim pasim ol long sampela krait i bikpela rong we ol i sutim tok long ol.

Dispela em rot bilong ranim kantri? I go long yu Peter O'Neill!



liklik hap lans, smok na buai. Na long 1985 in ap long 1990, yumi wok long kamapim gut ol liklik operesen bilong yumi we ol politisen i go pas taim ol i dina, dring wain na danis wantaim ol ovasis bisnis man husat i kam insait long kantri long painim isi mani.

Rot we ol samting i kamap insait long wanpela de i go olsem, wanpela bikbel bisnis man i putim hai kwaliti klos na i karim brifkes i pilap long ol K50 not long baim ol biurokresi o ol bikman bilong gavman na ol gavman dipatmen. Na i kam yia 2000, pilai bilong briaber na korapsen i go bikpela tru na ol institusen o han bilong Stet na gavman

em dispela ol lain i bin kisim PNG long mak em i stap nau long en. Piksa em Se Michael. Em bin stap long pawa moa long 40 yia na wankain tu long Se Julius. Na long ol taim ol bin stap insait long politiks, ol no save tingting long givim fri helt na edukesen sevis i go long ol pipel.

Nesen o kantri i mas wet klostu 40 krismas long wanpela man i tingting," Boi, yumi lus tingting long ofaim pipel fri helt na edukesen". Palamen yet i bihainim we bilong em long rausim pawa long Somare na lain bilong em long ofaim pipel samting bek bihain long ol i sindaun na lukluk long ol manki i pi-

long planti asua i bin kamap long taim Somare na lain bilong em i bosim kantri.

Olsem nau, yumi ken witenesim olsem poliitks em i wanpela as we ol i rausim ol man i go aut long kantri, ol i pairim o rausim ol het o bos bilong ol Stetuteri koporesen na ol poroman bilong ol i kisim ples. Olsem long keis bilong Telikom we Se Mekere i rausim wanpela kampani eksekutiv na wanpela wokman bilong em long Ministri i kisim ples bilong em. Se Mekere, wanpela taim, yu bin wanpela sinia stetman bilong kantri. Tasol long dispela taim stret, yu no kisim dispela kain luksave.

Bihain yu bin wokim Judas

Olgeta skul i mas gat benk akaun

OLGETA skul long kantri i mas gat ol wan wan benk akaun bilong ol, Edukesen Minista, Theodore Zurenuoc, i tok olsem.

Minista Zurenuoc i tok gavman i kamapim loa olsem olgeta skul i mas gat ol wan wan benk akaun na opim long wanem benk ol i laikim long en.

Em i tok bikipela as tingting long ol skul i mas gat ol wan wan benk akaun em long mekim isi long edukesen dipatmen i salim long tokim ol long skul subsidi fi mani

na ol narapela mani we gavman i laik givim i go long ol.

“Taim ol skul i gat ol benk akain bilong ol yet, em i daunim pasin bilong stilim kes o sekmani, o mani i save lus, we i save kamap planti taim.

“Em i isi tu long benk long sekim ol mani o sek taim ol i lus,

“Mipela i tokim ol skul long opim ol benk akaun bilong ol hariap, tasol planti skul i no wok long hariap. Na dipatmen i wok long tokim ol long hariap na opim akaun

long dispela mun (Febuari) yet.

“Planti provins i no salim ol skul benk akaun ripot bilong ol. Em long Westen, Galp, Simbu, Isten Hailans na Wes Nu Briten,” Minista Zurenuoc i tok.

I kam inap long las wik, Edukesen Dipatmen i bin glasim na sekim 1,666 benk akaun ripot bilong ol skul. Dispela i makim olsem 14.7 pe sen bilong ol skul i salim pinis ol benk ripot bilong ol pinis.

Em i tok bihain long Edukesen Dipatmen i

sekim ol skul akaun, ol bai putim ol skul fi subsidi mani i go long ol wan wan benk akaun bilong ol skul.

Em i tok ol dispela skul subsidi fi mani we dipatmen i wok long putim i go long ol benk akaun i kam long K300 milian gavman i karim long Edukesen Dipatmen insait long 2011 Saplimenter Baset.

Em i tok narapela K302 milian gavman i bin katim long 2012 nesanel baset em bai ol i tilim gen i go long ol skul long mun Jun na Julai long dispela yia.



SKUL SOPING: Nupela 2012 skul yia I stat pinis, na ol dispela skul pikinini bilong Bogenvil I raun wokim skul soping long ol stua long Buka long stat bilong 2012 skul yia.

Strongim wok patna na daunim sik TB

GAVMAN na ol patna i mas wok bung na strong wantaim long daunim sik TB insait long kantri.

Nesanel TB progrem menesa long kantri, Dokta Paul Aia, i bin tok olsem long dispela wik Mande taim ol i lonsim o opim Wol TB ektiviti de.

Dokta Aia i tok olsem yumi mas edresim TB long planti rot, tasol em bai kisim sampela taim na hatwok long daunim sik TB long PNG.

Wol TB De stret bai kamap long Mas 24, tasol Wol Visen na ol patna i statim na go hetim strong ol wok awenes long wanem, ol i laikim ol pipel long kisim save na daunim dispela sik.

Wanpela long ol wok awenes na wok redi pastaim long Wol TB De em long wanpela wokabaut mas bai ka map long Nesanel Kapitel Distrik.

Dispela wokabaut bai stat long Mari Bareks i go olsem long 2 Mail Hil na i skruim i go long Koki. Na wokabaut bai pinis long Ela nambis we ole ok ektiviti bai kamap long en.

SIK TB i save kilim dai 1.7 milian pipel long wol olgeta yia na insait long wanpela de, 4,500 pipel i save dai.

Long PNG, 16,000 nupela manmeri i save kisim sik TB na wanpela manmeri o pikinini i save dai long dispela sik bihain long olgeta tupela awa.

Ol dispela ripot i kamaut long ol wok awenes bilong daunim sik TB long redim ol wok bilong Wol TB De long neks mun.

Long wankain taim, Morobe provins em i namba tu provins long PNG we i gat bikipela mak bilong pablik i gat sik TB.



LUKIM WOK BILONG OL INTASPLAST DOKTA: Ol sumatin i stadi long kamap ol dokta I raun i go lukim ol Intaplast dokta bilong Australia na PNGi i bung wantaim na karimaut ol wok long Hagen na Madang long stretim ol lain we paia i kukim hap bodi na stretim ol bun tu.

BSP Kimbe helpim Gigo Eben klinik

OL KOMYUNITI long Kalia/Kove, Glosta na Talasea long Wes Nu Briten provins i ken lukim gutpela sevis moa i kamap long Gigo Eben Klinik na tok tenkyu i go long Benk bilong Saut Pasifik.

Benk bilong Saut Pasifik bai putim nupela pen (paint) na stretim ol flai waia na ol luva i bruk long Gigo Eben Klinik i save sevim ol komyuniti long taun na long Kalia/Kove,

Glosta na Talasea long Wes Nu Briten provins.

Stretim klinik ya bai helpim ol woklain i givim gutpela sevis bikos ples bai helti na klin moa long ol woklain i mekim wok bilong ol, na ol sik manmeri i kisim sevis long gutpela klinpela ples.

Sister Astrid husat i helt ekstensen opisa long klinik i tok sapot bilong BSP i go long komyuniti bai helpim long

kamapim gutpela helt sevis i go long ol, na komyuniti i luk-save long sapot bilong benk.

Menesa bilong BSP long Kimbe, Misbil Alfred i tok long benk i givim dispela projek i go long komyuniti i soim komitmen bilong benk olsem em i mas givim bek samting i go bek long ol. Na benk i amamas long givim dispela sevis we i kontribut long helti na strongpela komyuniti.

Misis Alfred i go pas long ol woklain bilong em long pinisim dispela projek.

Dispela em i namba 4 projek BSP long Kimbe i givim long helpim komyuniti.

Long 2009, BSP Benk i bin givim wanpela kompyuta na keten i go long Kombe Jenerel Haus sik, taim long 2010, em bin givim 85 desk i go long Ruango Praimeri skul. Long las yia, Valoka Helt senta i bin kisim 80 matres na 10-pela sia long ol wod bilong em.

Komyuniti na Viles Helt Volantia ken sevim ol bel mama na ol bebi

WANPELA nupela ripot i soim olsem helpim na lukaut bilong famili, komyuniti na ol Viles Helt Volantia (VHV) i ken sevim laip bilong planti ol mama, bebi na ol pikinini insait long ol rurel eria long kantri husat i wok long dai long ol sik we yumi inap stopim.

Ripot bilong Wol Visen na Burnett Institut i bin kam aut long las wik, i tok olsem laip bilong planti ol mama i karim, na ol nupela bebi inap stap laip sapos ol i givim helpim long ples wantaim sapos bilong komyuniti na ol klinik long ples.

Ripot i tok maski Helt Dipatmen i wok long strongim helt sistem long PNG, planti mama, bebi

na ol pikinini long ol rurel eria bilong PNG i wok long dai yet.

Ripot i tok ol VHV i kisim trening na sapos i ken givim gutpela lukaut we i no kostim bikpela mani na i linkim ol famili, ol bel mama na ol pikinini i go long fomol helt sistem.

"Ol famili na Famili na Komyuniti Kea (FCC) i ken sevim laip nau, saposim ol wok bilong kamapim gut ol helt klinik na skruim save bilong ol helt wok manmeri long PNG," wok glasim bilong nupela wol ripot we Wol Visen i bin komisanim i tok.

Ripot i tok em i bikpela samting long saposim we ol komyuniti i mekim long daunim dai na sevim laip long ol rurel eria.

Biknem meri lida kalabus long 17 krismas

MASKI yumi ol bikpela manmeri o nogat, long tude yumi mas was gut long tromoim ol toktok nating bikos yumi ken kisim bikpela mekim save we yu ting em i samting nating.

Bikos long ol sapos toktok em i mekim, wanpela biknem lida meri bilong Madang provins i kisim 17 yia kalabus.

Nesanel Kot long Madang long las wik i bin wokim disisen long putim Katherine Mal i go kalabus long 17 yia, taim pikinini man bilong em i bin kisim 30 yia na tupela kandere bilong em i kisim 20 yia.

Misis Mal na tripela famili memba bilong em i kisim mekim save long go kalabus long stap insait

long kilim dai wanpela man Begasin long Madang i bin kamap long yia 2009.

Misis Mal i bin stap long Modilon Haus sik stat yet long mun Disemba, tasol em na tripela famili memba bilong em i bin kamap long kot na harim Jastis David Cannings i givim fainol disisen bilong em long salim 4-pela i go long kalabus.

Tru, narapela tripela i bin mekim samting tru long kilim dai man, Misis Mal i bin singaut olsem "Kilim em i dai", tai mol manki ya i wok long paitim man Begasin.

Na singaut toktok bilong Misis Mal i bin givim moa strong na ol manki i bin pinisim gut man na em bin dai.



Raun Lukim ol Meri na Pikinini....

PUL I BIKPELA SAMTING: Long ol nambis ples na ol liklik ailan, ol kanu na ol dingi i olsem ol PMV bas, kar na teksi taim ol i laik wokim ol impoten raun, gaden, soping na ol narapela wokabout long kisim sevis. Na long ronim ol kanu, bikpela samting em yum as gat pul o long tok Inglis, ol i kolim "oar", olsem dispela long piksa we wanpela meri long Buka taun, Otonomes Rijen bilong Bogenvil, i baim na holim i stap.

Poto: Veronica Hatutasi



PNG SUSTAINABLE DEVELOPMENT PROGRAM LTD

Sevim Laip – Saposim Trening bilong ol Volantia Bet Atenden

WANPELA long ol projek mipela i amamas tru long en, em i wanpela we redim ol pipel long halivim ol arapela long ol longwe busples taim ol i bungim ol hevi long wok bilong mama karim na besik helt. Dispela em i wanpela bikpela wari long kain bikpela ples olsem Westen Provins na mipela i skin kirap taim i gat rot i kamap bai mipela i ken halivim wantaim mani i go long trening bilong ol viles bet atenden na ol helt volantia. Mipela i mas givim sampela halivim tu, long ausait bilong ol boda-mak bilong Westen Provins, na mipela i amamas tru long ol dispela wok-halivim tu.

Long wik i go pinis, long Fraide 17 Februari, komyuniti long Barola, klostu long Kainantu insait long Isten Hailans, i amamasim graduesen bilong wanpela grup long ol 20-pela viles bet atenden. Dispela emi wanpela long ol liklik projek we PNGSDP i saposim. Twenti (tupela-ten) yangpela meri bilong Kainantu, Henganofi na Obura-Wonenara distrik bilong Isten Hailans Provins i kisim save long halivim ol arapela meri long taim bilong karim na daunim ol hevi na birua long matenal na infer motaliti we i stap wantaim ol mama long Papua Niugini.

Barola Haus Mama i kamap wanpela sef ples bilong ol meri long karim bebi, wantaim halivim i kam long ol meri i kisim trening na i stap redi tasol long halivim ol long dispela wokabout i go painim wok-mama. Em i wanpela trening i stap long ples na i kam anit long wok Barola komyuniti i mekim long daunim namba bilong ol dai namel long ol mama na ol nupela karim bebi. Em i kamap wanpela senta bilong trenim ol arapela long redim gut ol gutpela ples-karim insait long komyuniti bilong ol.

PNGSDP i kisim askim long sponsaim trening bilong ol dispela meri husat i go bek long komyuniti bilong ol long stap wantaim ol susa bilong ol, taim ol i givim laip long wanpela nupela lain manmeri bilong Isten Hailans. Long graduesen seremoni, PNGSDP i painimaut olsem, long invesmen mani-mak long K18,000, mipela i mekim senis long laip na sindaun bilong ol meri insait long tripela distrik bilong Isten Hailans. Ol dispela meri i save moa long halivim ol karim, wanpela tumbuna wok, tasol em i wanpela wok i gat nupela saintifik save long as bilong ol dai i kamap namel long ol mama na ol bebi bilong ol.

Nau ol i ken luksave long strong bilong laip ol i gat, na ol birua long en, na strongim ol bel-mama long bihainim ol banis na tok stia, bai ol i ken banisim ol yet, na ol bebi bilong ol long taim bilong karim.

Mipela i painimaut long graduesen, olsem i gat nid i stap bilong ol imejensi ivekuesen ron bilong helikopta o belus, long bringim ol mama i go long haus sik. Mipela i painimaut olsem ol dispela ron bilong belus i ken kostim K6,000 samting. Ol ron bilong belus o helikopta, we ol bai no inap nidim sapos ol bel-mama i save moa na kia kwik long ol birua ol i ken bungim.

Mipela i luksave olsem, sapos ol graduet, insait long wok volantia bilong ol, i halivim long banisim laip bilong tenpela mama na ol bebi bilong ol, mipela bai givim olsem K45 long wanwan manmeri long sevim 400 laip. Mipela i save olsem kontribusen bilong mipela i go long trening bilong ol i ken bikpela moa, bikos ol meri bai go het long holim han bilong ol bel-mama na staim ol gut long taim bilong karim ol helti bebi. Sapos Isten Hailans Helt Divisen i no nid long baim tripela ivekuesen ron bilong belus, bai invesmen bilong mipela i karim kaikai. Sapos ol i sevim mani long sikpela belus ron, em bai kamap strong. Na sapos olgeta taim hatwok bilong ol i sevim laip bilong wanpela mama, na laip bilong pikinini bilong em i gat banis, mipela bai inapim wok mipela long PNGSDP i laik mekim.

Mani bilong mipela em long go long sastenabel developmen. Bai i gat wanem kain bikpela moa kontribusen moa long laip bilong wanpela mama husat i ken saposim famili bilong en? Wanem kain kontribusen bai winim kamap bilong banisim laip bilong planti tausen Papua Niugini bebi bai ol i ken kamap bihainim taim jeneresen bilong ol komyuniti bilong yumi?

Luksave i go long olgeta i wok insait long Barola Haus Mama VBA kos. Gutpela taim na amamas i go long ol graduen meri, na tok tenkyu i go long ol famili bilong ol long saposim ol dispela meri long kisim ol dispela bikpela save.



CEO: David Sode

- I kam long tebol bilong CEO (Article #6 bilong 2012)

Tel: (675) 320 3844/45 | Fax: (675) 320 3855 | Email: enquiries@pngsdp.com
Website: www.pngsdp.com

Save i Ken Helpim

Traim ol kain we bilong kuk Kuk Kona- Resepi bilong dispela wik

Resepi:
Scallops (mit long skalop sel) Kebabs

Yu mas Gat:
2-pela tebolspun wel (oil)
2-pela tebolspun Soy sos
2-pela tebolspun pasley i katkatim i go liklik pinis
2-pela tebolspun lemon juis o wara
Hap tispun sol na pepa

We long mekim:
Putim ol ingredien o samting yu laik yusim long kuk insait long wanpela kontena na miksim gut Wokim ol kebab wantaim skalop i mit bilong skalop sel, bekon, painapel, anien, masrum o wanem samting yu laik yusim.
Putim ol insait long wanpela kontena na kapsaitim marinet antap long en
Marinetim long 1-pela awa na tanim tanim.
Kukim long babakiu.

Yunaitet Sios lusim gutpela lida

YUNAITET Sios long PNG na tu, sios long kantri i lusim wanpela gutpela lidaman.

Em long Reveren Edea Kidu, husat i bin pastaim Modereta o bosman bilong Yunaitet Sios long PNG na inap em i dai, Bisop bilong Eben Rijen.

Reveren Kidu husat i gat 60 krismas na i bilong ples Pari klostu long Mosbi siti, i bin dai long las wik Fraide

long haus bilong sios we em na famili bilong em i bin stap long em long Metoreia Hil long Hanuabada.

Em bin sik longpela taim wantaim kensa bilong bel. Tupela wik i go pinis, em bin kisim operesen long Pot Mosbi Jenerel Haus sik na em i go bek long haus we em i dai.

Reveren Kidu em liklik brata bilong nau i dai namba

wan Sif jastis bilong PNG, Se Buri Kidu, em man bilong Dame Carol Kidu, i bin holim wok olsem Modereta bilong Yunaitet Sios long PNG na Solomon Ailan long 11-pela yia, stat long 1987 inap long 1998. Nau Modereta, Reveren Samson Lowa i bin kisim ples bilong em.

Tasol inap em i dai, em bin holim wok olsem Bisop bilong Yunaitet Sios Eben Rijen.

Pastaim em i kisim wok olsem Modereta, em bin deputi prinsipel na sinia leksera bilong Rarongo Tiolojikel Kolis long Is Nu Briten provins.

Reveren Kidu i lusim meri bilong em, Marama Taboro, 5-pela pikinini na 12-pela bubu.

Ol bai wokim funerel sevis lotu bilong Reveren Kidu long ples Pari long tumora Fraide.



Sit bilong paia

LONG Oktoba 11 1990, mi bin kam kamap long Papua New Guinea.

Bihain long lainim Tok Pisin long Alexishafen long Madang Provins, mi bin go na wokim wok pater long Pumakos peris, insait long Wabag Daiosis long Enga Provins.

Em i wanpela kol ples. Narapela nem ol i save kolim Tsak Pumakos. Long dispela taim i gat skul bilong katekis, haus sik, haus/konven bilong ol Sister, haus bilong Pater, bikpela stua bilong peris, bikpela komyuniti skul na wanpela bikpela haus lotu i stap.

Em i wanpela ples i gat planti Katolik manmeri tru. Dispela stesen i bin kamap olsem wanpela liklik taun long Tsak Veli. Olsem nupela Pater insait long kantri, mi wokim wok olsem asisten peris pris.

Mipela i lukautim planti liklik austesen na liklik haus lain. Olgeta de mipela i save bisi go visitim liklik komyuniti, wokim lotu na sindaun long harim stori na wari bilong ol. Mi tingim gut yet. Long namba wan Sande bilong Len long yia 1991, planti manmeri i pulap tru bihainim lotu long kisim Sit Bilong Paia, long statim taim bilong Len.

Long Es Trinde i nogat plant i kamap, bikos ol i prèt long birua bilong ol. i gat wanpela bikpela pait namel long tupela bikpela wan pisin- Yambaran Waring na Yambaran Pausa.

Tupela i brata tru, tasol bikpela pait namel long tupela, i bin kilim moa long 200 man i bin dai.

Long Namba wan Sande bilong Len, em i namba wan Len bilong mi long Papua New Guinea.

Maski i gat bikpela pait i stap, tasol bihain long namba wan Misa long Pumakos stesen, mipela i go wokim namba tu misa long Imankabus, bikpela austesen bilong Pumakos. Igat bikpela haus lotu i stap, tasol ol i bin bagarapim en long sampela yia i go pinis long tribal i wanpisin pait.

Long dispela hap tu, planti manmeri i pulamapim haus lotu long kisim sit bilong paia.

Klostu long 4 kilok apinun, mipela i go bek long Pumakos stesen.

Taim mipela i kamap long maket ples, planti manmeri i bung i stap.

Sampela i salim kaikai, o baim kaikai, sampela i sanap nabaut nabaut, sampela i pilai kas na sampela i sutim dat. Planti man i raun raun karim spia na banara, bus naip na kain kain gan ol i wokim long ples na dispela we ol i wokim long fektori.

Mipela i stop na planti man i kamap klostu long kar na sekan wantaim mipela.

Planti bilong ol i karim gan, bainat, spia na banara. Namel long ol mi lukim 4 o 5 man i gat mak bilong sit bilong paia antap long poret bilong ol. Olsem na mi askim ol: Yupela i go lotu long moning na kisim sit bilong paia a?

Ol i bekim wantaim amamas; Yes Pater! Yu bin wokim misa na mipela i kisim sit bilong paia ya?

Mi askim ol i gen: Yupela kisim sit bilong paia pinis, tasol bilong wanem yupela i go pait gen?

Ol i bekim olsem: "Mipela i pilim strong wantaim sit bilong paia, na mipela i pilim seif, bikos God bai lukautim mipela long pait wantaim ol birua bilong mipela."

Wanpela namel long ol i tok: "Pater, long helpim bilong pawa bilong sit bilong paia tasol, tude mi bin sutim na kilim wanpela birua bilong mipela i dai pinis".

Bai yu tingim wanem? i tru....sit bilong paia i gat pawa long helpim em long kamap strong long pait na kilim man indai?

Em i no mining bilong sit bilong paia bilong Es Trinde. Yumi kisim sit bilong paia long Es Trinde, i helpim yumi long tingim bek olsem, God i bin wokim yumi long graun, na wanpela de bai yumi go bek long graun. Sit bilong paia tu i mak bilong soim sori long sin bilong yumi na yumi laik tanim bel long ol pasin nogut bilong yumi long dispela taim bilong Len.

Amen

Wanem samting i mekim famili i stap gut



FAMILI LAIP WOKSOP LAIN: Ol lain i bin sindaun long Famili Laip woksop long Goroka.

GUTPELA sindaun bilong famili i bikpela samting long laip bilong yumi wan, na bilong sosaiti tu.

Tasol wanem samting tru i ken helpim famili i stap orait?

Nesanel Katolik Famili Laip Opis (NCFLA) i kamapim wanpela kos bilong lukluk long dispela askim.

Kos i kamap long Goroka

long Februari 13 i go inap long tumora Fraide, Mas2.

Samting olsem 30 marit manmeri, ol pater na rilijes bilong planti hap long kantri i kam bung long dispela kos.

Long namba wan wik, ol i bin kisim skul long wanem samting i helpim yumi long kamap helti man o meri long spirituel sait bilong yumi.

Husat i strong long spirit bilong en, em tasol inap long laikim tru em yet na ol arapela tu.

Long namba tu wik, ol kos lain i bin lukluk long rot yumi ken helpim ol marit lain long stap gut na stretim hevi sapos em i kamap.

Gutpela Kristen famili i olsem liklik piksa bilong Sios.

Kristen famili i gat wok

insait long Sios, ples na kantri.

Program bilong las wik i lukluk long dispela.

Ol lain i sindaun long dispela kos i amamas long wanem, kainkain man na meri i givim skul long kain kain gutpela topie. Na tu i gat gutpela program long spirituel sait.

Anglikea Literesi skul statim nupela skul yia

OL SIOS long kantri i save strong long kisim tupela sevis eria i save helpim planti mameri long kantri, em helt na edukesen, i go aut long pipel na komyuniti long ol ruel eria na taun.

Anglikea (Anglicare) i wanpela Non Gavman Ogenaisesen tasol em i han bilong Angliken Sios we i mekim wok long helpim pipel i gat HIV na AIDS, na tu, helpim edukesen dipatmen long literesi sait na mekim moa pipel i save long rit na rait.

Anglikea Pot Mosbi Literesi skul (APMLS) i bin opim dia bilong em long 110 sumatin husat i kisim sans long skruim save bilong ol.

Skul i bin stat long las wik Mande, Februari 20, 2012 na em bai ranim 20 wik program long dispela yia. Dispela 20 wik program em ol i brukim long tupela semesta o skul tem.

APMLS opis long Waigani i tok ol sumatin husat i skul long hap em ol yut

na ol mama bilong ol komyuniti klostu insait long Not Wes Ilektoret, na tu, ol narapela ilektoret insait long Nesanel Kapitel Distrik.

Opis i tok ol sumatin husat i bin enrol na statim skul bai lainim ol besik numeresi skil o mets, rit, rait, helt na moa infomesen long lukautim gut ol yet.

Tisa Roselyn Jams em tisa bilong Level Tri klas i tok ol sumatin bai lainim ol laip skil na trening na dispela i stap insait long 20 wik program.

Laipskil em ol save bai helpim ol sumatin, ol mama na ol yangpela long mekim ol samting na lukautim ol yet na ol famili bilong ol.

Kodineta bilong skul, Bernard Paru, i tok planti ol sumatin i go long dispela skul em ol dispela we i no pinisim ol skul long komyuniti, praimer na hai skul level, o i no bin go long fomol edukesen sistem. Em i tok planti em ol yangpela manki

man na meri na ol mama long Mosbi Notwes na ol narapela ilektoret long Mosbi, i bin kam wantaim amamas long namba wan de bilong skul long painim sampela kain skul we Anglikea Pot Mosbi Literesi skul i givim long en.

Anglikea PNG i save painim mani bilong em yet long ranim Literesi Program.

Anglikea i lukim olsem em i no isipela wok long painim mani long literesi program na olsem, em i daunim mak bilong ol sumatin long wanpela klas long 50 i go daun long 25 sumatin tasol.

Mista Paru i tok daunim mak bilong ol sumatin i go long 25 i kamap bikos long klasrum spes na ol kain lesen ol i skulim. Na tu, long strongim tingting bilong ol Sivil Sosaiti Ogenaisesen (CSO) patna long givim ol kain sevis olsem.

Em i tok tu olsem daunim mak i save mekim ol sumatin i sindaun gut na lainim gut ol samting. Na ol tisa i ken gat taim na spes long helpim ol sumatin.



Ileksen save abrusim ol bikbus lain

Olgeta taim bilong nesanel ileksen, planti manmeri save tok ol i no vot bikos nem bilong ol i no stap long buk Elektorel Komisin. Planti taim ol save komplem olsem ol opisa bilong Elektorel Komisin i no go long hap bilong ol long kisim vot bilong ol.

Em ol sampela komplem na kros we i save kamap na sampela taim dispela kain kros i save mekim ol kendidet i lus save go long kot long askim Elektorel Komisin long kamapim vot gen.

Planti lida na ol kendidet save tok planti lain bilong ol i no vot bikos ol nogat nem o ol opisa i no go kisim vot bilong ol pipel bilong ol. Ating ol dispela kain toktok em tru bikos taim ol Elektorel Opisa bin go long kisim nem, taim i sot na ol kisim nem bilong ol sampela tasol na go bek pinis. Planti taim ol opisa tok mani i no inap long baim



kar o ol lain long sapotim ol long go insait long ol bikpela bus na longwe hap long kisim nem bilong ol manmeri o kisim vot bilong ol.

Kainkain bekim em Elektorel Komisin save givim taim komplem olsem save kamap. Olsem na bai yumi stretim dispela kain hevi olsem wanem?

Eleksen em taim bilong olgeta pipel bilong Papua Niugini long vot na noken abrusim wanpela man o meri bikos Lo i l uksave long olgeta pipel i gat rait long vot.

Nau yumi harim olsem Gavman laik surukim taim bilong eleksen go moa liklik tasol Oposisen na ol saveman bilong Lo i tok nogat long dispela bikos dispela bai brukim Lo bi-

long kantri long surukim eleksen taim i go moa. Eleksen em bihainim Mama Lo bilong kantri olsem na yumi mas mekim samting bihainim Lo.

Gutpela long olgeta Provinsel Elektorel Opis mas tokaut long wanem wok ol mekim pinis na sapos olgeta samting i orait long ol long go het wantaim eleksen long mun Jun. Yumi mas save go long olgeta provins sapos ol samting i orait.

planti hap bilong Papua Niugini em bikpela bus, maunten na wara i katim na wokabaut bilong ol Elektorel Opisa go long kain hap olsem save hat. Ol mas go long helikopta long kisim nem bilong ol manmeri na tu kisim vot bilong ol pipel long kain hatpela hap olsem.

Ol Gavman na bikpela saveman bilong yumi long opis ken autim kainkain tingting na save bilong ol tasol ol wokman long

provins na distrik mas tokaut klia sapos ol samting i redi long sait bilong ol o nogat.

Planti kendidet bin komplem pinis olsem ol pipel bilong ol i no vot bikos Elektorel Opisa i no go long hap bilong ol bikos long maunten na bikbus o bikpela wara i pasim rot. Olsem wanem, bai Gavman i givim sans long ol na salim helikopta wantaim balot pepa go long ol long vot o nogat?

Elektorel Komisina Andrew Traven i tokaut long nius olsem mak long 75 pesen (%) pipel long PNG i gat nem pinis long eleksen buk long vot. Dispela i soim olsem 25 pesen em ol lain long bikbus maunten na longwe hap husat bai nogat sans long vot long 2012 nesanel ileksen.

Sapos ol longwe lain olsem i no vot, orait luksave long ol na stretim rot na bris bilong ol bai bihain taim ol ken isi long votim lida bilong ol.

WANTOK KOMENTRI

Noken surukim Ileksen 2012

NOGAT wanpela man insait long kantri i gat rait long stopim o surukim ileksen.

Aninit long Mama Loa na Ogenik Loa bilong Nesanel na Lokol-level Gavman Ileksen, em i wok bilong Ilektoral Komisin (PNGEC) long ronim ileksen na gavman i noken daunim pawa bilong Komisin.

Ilektoral Komisin bai no nap surukim Ileksen 2012 bikos em bai brukim loa na i ken bagarapim kantri sapos em i no bihainim loa.

O'Neill-Namah gavman i ting ting long surukim dispela ileksen bikos planti ol memba i pret pinis, nogut ileksen i go bagarap.

Gavman i tok planti giaman nem i pulap long Komon Rol na sampela nem bilong ol manmeri inap long vot i no stap insait.

Gavman i ting ting long yusim nupela baio-metrik sistem bilong vot bikos em i ken daunim sans bilong pasin korapsen o paul pilai long makim ol balot pepa o stilim balot bokis.

Na tu dispela nupela sistem bai larim olgeta manmeri i vot wanpela taim tasol bikos nem, poto, na han-mak bilong wan-wan manmeri bai stap insait long kompyuta.

Na em bai hat long wanpela man o meri i vot tupela o planti taim, o yusim nem bilong narapela man long vot.

Dispela sistem em i gutpela tru long yusim PNG, tasol yumi nogat moa taim long traim dispela nupela sistem bikos nogut samting i go bagarap long ileksen taim bikos yumi no testim dispela sistem yet.

Ol save man long loa wok long tok gavman bai brukim loa sapos ol i surukim dispela ileksen.

I no gutpela long yumi brukim loa bikos dispela gutpela kantri bilong yumi bai bagarap sapos yumi no bihainim loa.

Ol poroman bilong yumi long Australia, husat i save givim yumi sapot long ileksen taim tu, i les long yumi surukim dispela ileksen bikos ol i redi pinis long halivim yumi.

Sapos yumi surukim dispela ileksen, em i ken karim sampela ol nupela hevi baksait long dispela bikpela hevi yumi gat namel long Gren Sif Se Michael Somare na Peter O'Neill.

Olsem na yumi olgeta i mas wok bung long larim dispela ileksen go het long stretpela pasin bikos dispela ileksen i ken halivim yumi long stretim dispela bikpela politikel asua namel long Gren Sif na O'Neill.

Dispela ileksen em i wanpela namba wan samting, we yumi i mas ting ting gut na makim ol lida man o meri husat bai ronim dispela kantri taim planti bikpela samting bai kamap.

Ileksen 2012 mas ron long taim tasol em i wok bilong yumi wan-wan manmeri long votim gut ol lida man na wokbung wantaim ol polis na ami long larim fri, fea na seif ileksen long PNG.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Portion 445, Kanage Street, Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

**Stori bilong
Azaria
Chamberlain inap
helpim awenes
long ol dingo**

LONG Australia, loya i makim Chamberlain famili long ol nupela wok-painimaut gen long rot bebi gel bilong ol, Azaria, i bin dai, i tok em i laik bai dispela birua i kamapim sampela awenes long wanem kain bagarap ol dingo o wel dok i ken mekim long pipel.

Namba-4 koroniel inkwes, wok bilong korona long painimaut rot we bebi Azaria i bin lus long Uluru long 1980, bai kamap long Darwin long dispela Fraide.

Papa na mama bilong bebi Azaria Chamberlain i bin save tok yet olsem, dingo o wel-dok i bin kisim Azaria, tasol long rekot buk, ol i bin raitim olsem, nogat man i save rot tru em i bin lus.

Ol nius lain i no nap mekim loya Stuart Tipple long tokaut long wanem kain evidens o tok tru em bai givim aut, tasol em i tok famili i laik lukim olsem, dispela kain birua i no kamap ken bihain.

Planti pipel i no save birua we ol wel dok i ken kamapim long ol manmeri, moa yet, taim ol i bungim ol.

Yumi wok long toktok wantaim ol dingo husat i save stap klostu long ol pipel, na i no dispela i stap long bus em ol wail dok.

**PNG nem i nogut
bihain long ol
man i hansapim
ol turis long pali-
ment**

TUPELA raskol pasin em i bin kamap long Pot Mosbi long Sande i go pinis, we ol man i hensapim ol turis na dispela i givim nem nogut long biksiti bilong kantri, Pot Mosbi.

Dispela toktok i kam long hetman bilong PNG Tourism Promotion Authority.

Peter Vincent i tok dispela tupela stil pasin em wanpela long tupela i bin kamap long san tasol long Palamen Haus bilong kantri, i bin wanpela nogut pasin tru em i bagarapim nem bilong Papua New Guinea.

Em i tokim Tok Pisin sevis olsem, kantri i bungim hevi pinis bihain



BIKPELA PILAI: Ol manmeri long Ashbourne long Derbyshire long Inglen i bung na pilai wantaim bal long Tunde dispela wik. Ol i save pilai dispela gem olgeta yia long makim Shrovetide futbol gem, we i kamap planti handret yia i go pinis. As bilong gem em long traim na putim dispela bal i go insait long gol. i gat tupela gol we i stap 5km long-we long ol yet. Ol manmeri long wanpela hap bilong ples i save pilai agensim olgeta manmeri bilong narapela sait bilong ples.

long toktok bilong sampela olsem, Pit Mosbi em i wanpela "most dangerous cities in the world", o nogut siti we sait bilong sefti na sekyuriti i nogut tru.

Em i no wari bilong mi tasol, ating em i wari bilong olgeta man long dispela kantri long ol pasin we ol lain bilong mipela i save wokim long ol lain i kam raun long kantri, maski ol i poroman bilong mipela, o ol i turis, o ol bisnisman o bisnismeri.

Tasol em i kamap long wanpela ol lain husat i bin kam long turis sip long Mosbi long Sande na ol i go lukluk raun long palamen we i bo;op olsem em i wanpela spesel na seif ples.

**Kot i painim Mark
Kemakeza i rong
long usim gav-
man mani**

SOLOMON Ailans kot i painim wanpela memba bilong gavman i asua long long brukim loa long we em i bin yusim gavman mani. Honiara Sentrel Majistret Kot i painim Mark Kemakeza, MP bilong Gela long Sentrel Provins na olupela ministra bilong forestri, i bin

yusim mani bilong Solomon Islands gavman long em yet.

Ol i no larim em long peim beil mani na bai kamap gen long kot long Februari 28 taim kot bai givim mekim-save long em.

Sapos em i go kalabus inap moa long 6 mun em bai lusim sia bilong em long palamen.

Niusman bilong mipela long Honiara, Koroi Hawkins, i tokim Pacific Beat olsem, planti pipel long Solomon Ailans bai welkam long dispela tingting bilong kot.

Dispela em i gutpela kotkes long pait agensim korapsen insait long Solomon Ailan we ol Palamen memba na ol arapela bikman na ol lidaman long gavman i save abrusim ol korapsen sas, na sapis dispela kotkes i putim bikman i go long kalabus, em bai bikpela win long pait agensim korapsen long kantri.

Long nius i kamap nau gen, Kemakeza bai kisim mekim-save long wik bihain, bihain long kot i painim em guilty o i asua long brukim loa na yusim gavman mani long ol samting bilong em yet.

Kot bai tokaut long mekim-save bilong Mark Kemakeza, memba bilong Gela na yangpela brata bilong spika, Allan Kemakeza, long February 28.

Honiara niusman Koroi Hawkins i

tokim Pacific Beat olsem hamas mun kot i salim em i go kalabus long en, bai tok aut long sapos em bai stap yet olsem memba long palamen o nogat.

**PNG Act Now i
laikim sapot
bilong ol Pacific
kantri agensim
seabed main**

WANPELA sivil sosaiti grup long Papua New Guinea i laikim sapot bilong ol narapela kantri long Pasifik long stopim sibed maining o maining aninit long solwara, long noken go bikpela long rijen.

Meri i bin kirapim Act Now P-N-G, Effrey Dademo, i tok i gat ol klia evidens em nogat man inap rabisim i stap em i soim olsem sibed maining o maining aninit long solwara i save bagarapim marin environment na solwara na olgeta samting i stap laip insait.

Em i tokim Pasifik Beat olsem em i tru ol minerel ol i digim i kamap daunbilo long solwara inap helpim ol gavman na ol komyuniti, tasol moa wok i mas kamap bilong bringim Pasifik ailan pipel i kam

insait long ol toktok na tingting bilong maining.

**Australia tresera
i hamamas long
pasin bilong
Eurozone**

Tresera bilong Australia, Wayne Swan, i tok em i hamamas long lukim olsem, ol European politisen i go het gut long ol toktok na wok bilong strongim ikonomi bilong Greece.

Tasol em i tok Europe i mas go het long wok hat bilong en long stretim ol taraipela hevi ol kantri long hap i gat long ol taraipela dinau bilong ol. Em i tok em i bikpela samting sapos sampela long ol European kantri em ol i bungim bikpela trabal long ikonomi bilong ol i hariap na mekim ol bikpela senis ol i laikim ol long mekim bai ikonomi bilong ol i ken resis ken wantem ol narapela kantri na long sapotim ol wok bilong kamapim jobs oa ol wok.

Mr Swan i tok Australia i no nap abrusim ol trabal i wok long kamap raun long wol, tasol em i gat gutpela beis i strong olsem ston.

Pacific BEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



BELHAT: Ol sumatin bilong Afghanistan i tromoi ston long ol ami bilong Amerika long bes bilong ol long Bagram long soim belhat bilong ol long ol i kukim buk Koran we i olsem baibol bilong ol.




MALOLO: Ol paia paitman i pulapim bensin long ol helikopta bilong ol bihain long ol i raun na traim long kilim paia long Pemberton long Westen Australia long Mande dispela wik.



AMAMAS: Meri bilong singsing, Adele, i winim BRIT awod olsem nambawan solo atis bilong ol meri long Britain, long Tunde dispela wik.



MAMA DAIMON: Wanpela 12.76 karat daimon i silip antap long han bilong wanpela man long Kimberley long Australia long wanpela main bilong Rio Tinto. Dispela daimon i bikipela long olgeta daimon ol i bin painim long Australia bipo. Ol bai wok 10-pela de long wasim na katim dispela daimon.



SORE: Wanpela meri sindaun klostu long ol samting makim bipo CTV opis long Christchurch long Nu Silan. Bikipela guria i bin brukim dispela opis na planti dai insait long en tu.



DANIS: Academicos do Grande Rio samba skul i mekim sampela danis na pilai bilong ol long namba tu nait bilong bikipela kanivol sho long Sambadrome long Rio de Janeiro long Tunde dispela wik.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Bemobile na ol atis helpim Rabaul Queen birua

Nicky Bernard i raitim

BIKPELA mobail kampani bilong Papua Niugini Bemobile i kamapim wanpela helpim bilong ol lain husat i bin go daun wantaim sip MV Rabaul kwin long las mun.

Bemobail i kisim tu-

pela Papua Niugini atis man Jeffery Feeger na Ratoos Haoapa long droim piksa wantaim ol pen, dispela pen piksa Bemobail bai oksenim na dispela mani ol mekim bai go stret long helpim ol famili bilong ol manmeri na pikinini husat i lusim laip bilong ol long bikpela solwara hevi.

Bemobail tu i wok long salim ol tiket long winim sampela bikpela prais i kam yet long ol. Mani bilong tiket tu bai go long dispela helpim.

Planti long ol dispela manmeri husat i stap long hevi na ol famili bilong ol manmeri pikinini lus i long solwara hevi i stap long Salvation Army na Katlik Daiosis long Lae.



ANTAP NA DAUNDILO: Ol atis soim wanem pen bai ol i oksenim kamapim mani long heplim ol manmeri husat i kisim bagarap long Rabaul Kwin solwara birua. Poto Nicky Bernard



YUMIFM National Weekly Hit Parade

Produced & Host by: Kasty

Satistics: Talaigu Sophie & Poroman Crew

Week Ending: Saturday - 18th February 2012

Table with columns: Week Before, Last Week, This Week, Charting Song, Artist. Lists top hits like 'Hidden Valley' by Butak and 'White Rose' by Leonard Kanis.

EMTV Television Guide

FONDE1 MAS, 2012

5.00 AM G JOYCE MEYER. TODAY
5.30 AM G TODAY
8.30 AM BROADCAST
12.00 AM EMTV
12.30 PM AUSTRALIAN NETWORK

ELITE MUSIC ZONE NATIONAL EMTV NEWS REPLAY

9.30 PM G ELITE MUSIC ZONE NATIONAL EMTV NEWS REPLAY
10.30 PM G NEWS REPLAY
11.30 PM - Australia Network -

NEWS REPLAY - Australia Network - SARERE 3 MAS, 2012

6.59 AM STATION OPEN
7.00 PM ULTIMATE GUINNESS WORLD RECORDS
8.00 AM G NAMASTE YOGA: Innovative series combining stunning photography and original music

THE SEEKER: A CAPTIVATING ACTION-ADVENTURE TV SERIES

7.00 AM G HILLSONG
7.30 AM G CHIT CHAT with Sir Paulias Matane
8.00 AM G NAMASTE YOGA: BLISSFUL BLOSSOM
8.30 AM G AUSTRALIAN NETWORK RESOURCE PNG (REPEAT)

DESPERATE HOUSE WIVES: SOCCER REPLAY

11.30 PM NATIONAL EMTVNEWS REPLAY
12.00 PM - Australia Network -
6.29 AM STATION OPEN
6.30 AM G IT IS WRITTEN

EMTV TOKSAVE

9.27PM EM TV TOKSAVE

FRAIDE 2 MAS, 2012

5.00 AM G JOYCE MEYER. TODAY
5.30 AM G TODAY
9.00 PM CLASSROOM BROADCASTS
12.00 PM EMTV
1.00 PM AUSTRALIAN NETWORK

SANDE 4 MAS, 2012

6.30 PM G AUSTRALIAN NETWORK RESOURCE PNG (REPEAT)
7.00 PM G AUSTRALIAN NETWORK ONE DAY CRICKET -

Raun wantaim Kanage olgeta wik



Pepsi Fan Ran...

Kanage bilong Madang em i stap i go na sisen bilong Pepsi Fan Ran i kamap. na em i hariap tru go baim wanpela tiset bilong em na em i wok long trening i stap.

Taim bilong fan ran i kam na Kanage i stap pinis.

Bik moning tru na ol bosman i tokim ol rana olsem long ol i mas raunim taun na olgeta i tok yesa tasol. Na ol i tokim ol olsem husat man i win pas bai i go long ples bilong ol waitman na Kanage i amamas nogut tru na em i tok sans yah.

Bosman i blowim wisel na ol stat ran. Olgeta i bihainim stretpela rot tasol Kanage i laik go lukim ples bilong wait man na em i wok long katim long mekim sot kat na painim hariap pinis lain. Taim em i kamap long pinis lain, ol man meri i singaut na amamas long wanem em i tong em i kam pes na em i amamas nogut tru olsem em i bai go lukim ples bilong ol wait man.

Tasol em i no save olsem ol i lukim em pinis na ol i no mekim wanpela tok.

Taim bilong kisim prais na ol bosman i singautim narapela man long go na kisim prais bilong en. Kanage i belhat nogut tru na go antap na koros wantaim ol man i go het long resis. Tasol em i no save olsem, mikrofon i on na olgeta man-meri i harim wanem samting em i wok long koros long en. Bosman i tokim Kanage olsem em i no bi-



hainim rot bilong ron. Em i katim long sait long kamap pes man tasol em i kam las. Man taim olgeta man i harim dispela ol i lap na Kanage i sem nogut stret na ronawe go was was wantaim ol mangi long nambis.

Madang.

Poisen man.

Kanage i mekim haus bilong em long maunten ol i kolim 'Mosou De Tohu Via.'

Na em i gat tupela rum. Wanpela bilong sindaun na skelim ol meri i go na narapela em bilong slip.

Wanpela taim long bik nait stret, Kanage i pilim hot na i laik go kisim kol win long nambis. Em i kirap katim i go daun long solwara na em i lukim wanpela man i toilet i stap na em i katim long sait i go.

Long ples i bin i gat tok win olsem ol poisen man i save raun long bik bus long biknait.

Taim man i lukim Kanage, em i ting olsem em i poisen man na em i singaut antap stret. Kanage i harim man i singaut na em tu i ting olsem em i wanpela poisen man. Man Kanage i no isi long ron. Em i ron siksti na go hait long haus lotu.

Kanage nau i tingim olsem man i wok long toilet i stap. Em i no save olsem man i go kisim ol man meri long painim dispela poisen man na mekim save long en, Kanage tasol.

Taim em i lukim ol manmeri i kam long haus lotu em i save olsem ol i mas ting olsem em i poisen man.

Hariap tru em i laitim ol kendel na sindaun i go daun long fom na giaman beten i stap. Taim ol i kam long haus lotu ol paul sapos em tasol o narapela man. Kanage i lukim ol na pore olsem nogut ol i paitim em.

Ol i tok olsem nogut poisen man em i Kanage na em i kirap na tokim ol olsem, "Yupela luksave long man na toktok tu o nogat. Taim man i sindaun na beten i stap em i bikpela itambu tru long toktok o askim long wanpela samting"

Samting tru em i pore long ol paitim em na em i giaman tokim ol olsem em i kam long haus lotu beten.

Madang.

Ol skwat!

Salim ol gutpela Kanage

tok pilai i kam long:

Kanage Tok Pilai

P.O. Box 1982,

Boroko, NCD

Port Moresby.

Email: atolire@wantok.com.pg

Ol entaitelmen bilong man bilong mi

Dia Laipain,

MI NA man bilong mi i bin marit long 30 krismas, tasol long las yia man bilong mi i bin dai. Mi wanpela wido nau na mi nogat pikinini bilong mi yet husat inap helpim mi long ol samting mi laik wokim long en.

Man bilong mi nau i dai i bilong narapela provins na mi tu i bilong narapela provins. Ol famili bilong man bilong mi i no amamas na ol i kros long mi bikos mi nogat pikinini na ol narapela samting moa. Mitupela man bilong mi i bin marit aninit long loa na em bin wanpela sinia pablik sevan.

Mi painim hat long kliia watpo ol lain famili bilong man bilong mi i wok long stopim mi long kisim ol entaitelmen o mani bilong man bilong mi bikos ol i tok mi no bin karim pikinini long em na olsem, mi mas noken kisim ol entaitelmen bilong em.

Mi painim hat na bai mi mekim wanem?

WIDOW IN DISTRESS

Pren

Mipela i sori long ritim stori bilong yu. Mipela i luksave olsem em no gutpela long ol lain i stap klostu long yu i wokim ol dispela samting long yu. Laik pasin we i bin bungim na pasim yu na man bilong yu i dai nau em wankain laik pasin ya i bin opim dua long haus bilong yu. Mipela i bilip olsem yu bin mekim gut long ol lain famili bilong man bilong yu taim em i stap laip. Mipela i sori olsem nau ol tambu bilong yu i no inap mekim gut long yu olsem yu bin mekim long ol.

Bikos yu no bin gat pikinini long man bilong yu, ol tambu bilong yu i no wanbel long yu kisim ol entaitelmen mani bilong



em, tasol mipela i ting olsem i gat rum long toktok na painim ol ansa long hevi na wari yupela i gat long en.

Pren, i moabeta olsem yu na ol tambu bilong yu i luksave olsem laik pasin i save pulim man na meri wantaim long marit na stap wantaim. Dispela kain poroman i save gro long eria bilong sering na lukautim gut wanpela arapela long gutpela taim na long taim nogut inap dai i painim wanpela. Mipela i bilip olsem as bilong marit em long strongpela laik, luksave na rispek na maski yupela i ken stap gut wantaim ol pikinini na tu, taim yupela i nogat pikinini.

Ol mani samting man bilong yu i lusim taim em i dai i bilong yu na i moabeta yu sekim bikos sapos samting ol tambu bilong yu i wokim i no fea na i no stret. i moabeta yu sekim wantaim ol atoriti i save moa long dispela samting long helpim yu kisim ol entaitelmen mani. Pren, i moabeta yu go long opis we man bilong yu i bin wok long em na tokim ol long wari yu gat long en. Long wankain taim, i moabeta yu go long Leba Dipatmen long givim yu ol stiatok long dispela samting.

Pren, samting yu bungim em mipela i luksave long en na plnati ol narapela famili tu i bungim long en. Tasol yumi mas stretim gut ol dispela kain samting.

Yumi luksave olsem sampela samting i save kamap taim ol lain yumi laikim i no

moa stap wantaim yumi. i moabeta yu no wokim samting long kamapim moa hevi tasol wok wantaim ol tambu bilong yu long kamap wantaim solusen o ansa bai yupela wantaim i wanbel long en.

I moabeta yu no lukim dispela wari long entaitelmen long dai man bilong yu olsem samting bai kamapim hevi, tasol olsem sans long yu na ol tambu bilong yu i stretim wok pren namel long yupela. Ating taim yupela i toktok wantaim , ol tambu bilong yu i ken lukim olsem samting ol i mekim i no stret. Ating long pasin kastom bilong yumi, ol i lukim olsem em i orait, tasol long ligel marti we yupela i marit bihainim lo, i gat lo i stap bilong lukautim yu, maski yu gat o i nogat pikinini.

Pren, mipela i amamas long yu long sanap strong na yu laikim pasin jastis i kamap. Mipela i strongim yu long pretim God na i no man bikos man bai feilim yu tasol wantaim God, em bai nogat. Ritim Buk bilong Matyu, Saptu 10 na Ves26-28.

I moabeta yu go lukim Opis bilong Kureta long kisim moa toktok na stiatok long ol mani samting man bilong yu i dai na lusim.

God i ken givim yu gutpela stia na strong

Pren bilong yu, Laipain

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

NEM: Kisip Kembo
KRISMAS: 19 (man)
ADRES: ST. John De Baptist Primary School, P.O. Box 220, Kerema Gulf Provins
SAVE LAIKIM: Pilai spots, watsim muvi, go Lotu, ridim buk na mekim pani

NEM: Isaiah Bonga
KRISMAS: 28 (man)
ADRES: P. O. Box 407, Popondetta, Oro Provins
SAVE LAIKIM: Pilai Voli bol, Tas ragbi, pilai gita, lukluk TV(NRL), raitim pas, mekim na go Lotu

NEM: Rian Monghongho Alphonse
KRISMAS: 18 (man)
ADRES: Aniep Village, C/- ST. Mary's, P.O. Box 125, Leitre, Vanimo, Sandaun Provins
SAVE LAIKIM: Harim musik, pilai soka, voli-bol, basketbol, go Lotu na mekim pren

NEM: Anestine Funumari
KRISMAS: 18 (meri)
ADRES: Notre Dame Secondary School, P.O. Box 164, MT Hagen, WHP
SAVE LAIKIM: Ridim Baibel, singsing, harim musik, pilai basketbol, netbol, mitim ol poroman na lukluk TV.

NEM: Koron Amun
KRISMAS: 25 (man)
ADRES: P.O. Box 3079, Lae, Morobe Provins
SAVE LAIKIM: Harim musik, pilai Kompyuta, ridim buk na mekim pren

NEM: Kaiya Yoan
KRISMAS: (man)
ADRES: C/- Bema Primary School, P.O.Box 37, Kerema Gulf Provins
SAVE LAIKIM: Pilai soka, mekim Jokes na pilai volibol wantaim ol poroman

NEM: Ruben Yawa
KRISMAS: 18 (man)
ADRES: Muli Primary School, P.O. Box 69, Mendi, SHP
SAVE LAIKIM: Harim musik, pilai soka, basketbol, volibol, ragbi tas na mekim pren wantaim wanpela Lotu man o meri

NEM: Stanson Petiti
KRISMAS: 20 (man)
ADRES: C-/ BSC ANZ Bank (PNG) Ltd, P. O. Box 1152, Port Moresby NCD Papua Niugini
SAVE LAIKIM: Pilai Gita, ridim Baible, mekim fani na stori wantaim ol poroman

NEM: Joel Kenis Amaekam
KRISMAS: 29 (man)
ADRES: Huon Gulf, Lae 411, P.O. Box 164 Lae, Morobe Provins
SAVE LAIKIM: Mekim fani, eksasais, pilai lilik, pilai ukulele, gita, singsing, skerim tok wantaim narapela liklik, ritim baibel, komik, harim Radio Lait na Katolik FM, na painim wanpela meri long maritim na stap oltaim.

NEM: Anne Mary Yuwei
KRISMAS: 21(meri)
ADRES: Pes Primary School, P.O. Box 36, Aitape, Sandaun Provins
SAVE LAIKIM: Pilai soka, Volibol, mekim pani, go Lotu, harim musik na watsim TV.

PNG LNG Projek papagraun i wetim mani yet

Aja Alex Potabe i raitim

PNG LNG Projek em i wanpela bikpela ges projek long kantri, tasol ol papagraun bilong ol wan-wan projek eria i no kisim yet graun mani bilong ol aninit long agrimen.

Dispela multi-bilian-kina ges projek bai rausim ges long ol ges na wel fil long Sauten Hailans na Hela Provins, na salim i kam long rifaineri long Boera, klostu long Mosbi, we ol bai tanim dispela ges i go bek gen long wara na salim i go long Saina, Japan na Taiwan.

I gat 7-pela seaholda bilong PNG LNG projek tasol, Esso Highlands Limited (EHL), wanpela haus bisnis bilong Exxon Mobil, i tronim dispela projek. EHL i ting ting long salim namba wan ges bilong PNG i go long dispela tripela kantri long yia 2014.

Tasol ol papagraun husat i lukautim ol dispela ples we ges projek bai kamap, i no wanbel long bipo gavman bilong Gren Sif Se Michael Somare na nau gavman bilong O'Neill bikos tupela gavman wantaim i no stretim ol papagraun wantaim ol mani bilong ol.

Aninit long tupela agrimen ol papagraun, gavman na kampani i bin holim long Kokopo na long ol wan-wan projek eria, ol papagraun i nap long kisim sampela mani. Ol dispela mani inap long kam aninit long MoA fan, Bisnis Dvelopmen Gren (BDG) o sid kepitol, Infrastraksa Dvelopmen Gren (IDG), Ministerial Komitmen, na Hai Impek Projek fan.

Long Kokopo Ambrela Benefit Sering Agrimen (UBSA) long Epril 2008, na Laisens Beis Benefit Sering Agrimen (LBBSA) long wan-wan projek eria long Disemba 2009, pastaim Somare gavman i bin tokaut long givim ol dispela mani long ol papagraun bilong Juha, Hides, Angore, na Saut Is Malanda long nupela Hela Provins, na ol arapela projek eria long Kutubu, Moro na Gobe long Sauten Hailans Provins.

Bihain long ol i bin sainim dispela tupela agrimen, EHL em i bin statim ol projek wok long mekim dispela bikpela ges bisnis, we em bai mekim bikpela bilian dola winmani.

Tasol gavman i bin bagarapim ol papagraun bikos em i no bin givim o peim-aut ol mani bilong ol, we agrimen i tok long peim ol long rausim ges i stap long ples bilong ol.

Ol papagraun bilong ol projek eria insait long Hela i wetim dispela mani long yia 2009 i kam inap nau. Planti ol papagraun i lusim ples na kam kisim dispela mani long Mosbi na tripela yia i go pinis, tasol ol i no kisim dispela mani yet.

Sampela ol papagraun i dai pinis taim ol i wetim mani stap. Ol biknem papagraun olsem Sif



WETIM MANI...Hides PDL 1 papagraun lida, Tom Kapo i askim Praim Minista Peter O'Neill na Petroleum na Eneji Minista, William Duma long peim ol LNG mani long papagraun, taim ol arapela i sindaun ausait long opis bilong Praim Minista Peter O'Neill long Morauta Haus las wik Fraide.

Poto: Nicky Bernard



Himuni Homogo bilong PDL 1 long Hides i dai long Singapore haus sik taim sik painim em long Mosbi taim em i wetim LNG mani stap yet.

Siaman bilong Hides 4 PDL 7, Eric Ayule i bin dai taim em i no bin kisim mani bilong ol pipel bilong en.

Sampela moa long ol papagraun tu i bin dai taim ol bin wet i stap long Mosbi long kisim dispela mani, tasol gavman i no pret o sore long luksave long ol dispela papagraun, husat planti bilong ol i turangu na ol i save stap long ples.

Long taim yet ol i wok long stap isi na bihainim loa long larim gavman i luksave long ol na amasim ol wantaim mani, we ol inap long kisim aninit long agrimen, tasol gavman i no bisi long givim dispela mani hariap.

Las wik Fraide, ol papagraun i bin bung na wokabaut i go long Morauta Haus long askim Praim Minista Peter O'Neill long rausim dispela mani na givim long ol.

Planti moa long 500 manmeri

bin bung long hap. Ol i bin singaut strong long Petroleum na Enji Minista, William Duma, Tresara Don Polye, na Nesanel Plening Minista, Sam Basil long rausim dispela mani long Vulupindi Haus na peim ol hariap.

"Mipela i stap long ples tudak. Mipela no save bilong wanem as stret gavman i holim dispela mani stap yet, na mipela wet i kam inap tripela yia olgeta. Mipela i no giaman papagraun. Mipela tru tru papagraun bilong LNG Projek stret i kam stap long opis bilong praim minista nau na singaut strong long gavman bilong O'Neill long peim-aut dispela mani," Sif Tom Kapo, papagraun lida bilong Hides PDL 1 i tok.

Kapo i tok gavman i tokim ol long stap isi, na ol i bin stap isi long bihainim loa na larim stretpela pasin i kamap, tasol nau gavman i wok long giamanim ol na ol i hat long bilip long gavman.

"Mipela i hat long stap isi bikos

em 3-pela yia nau. Ilekseen 2012 em i klostu taim tasol. Yumi gat 1-pela moa mun bihain long kantri i go insait long ilekseen na mipela les pinis long wet moa. Mipela laikim O'Neill, Duma, Ploye Basil na (Belden) Namah long kam givim mani bilong mipela bikos mipela wet isi inap pinis.

"Gavman i senis tasol mipela amas olsem Duma i no senisim ministry bilong en. Em i wanpela gavman minista husat i save gut tru long PNG LNG Projek bikos em i bin stap wantaim mipela long namba wan de i kam inap nau yet. Em tasol mas kamaut na peim dispela mani bilong mipela," Kapo i tok.

N a r a p e l a biknem lida bilong Hela, Thomas Gamu i tok ol planti ol papagraun i no bin skul na ting ting bilong ol long skelim gut ol samt-ing em liklik tumas. "Olsem na nogut ol i brukim ol loa na mekim ol arapela samt-ing. Nogut ol kukim Vulpindi Haus na Morauta Haus.

Nogut ol stpoim LNG Projek. Ol i no bin skul na ting ting bilong ol i no stap gut. Olsem na gavman i mas peim ol hariap. Nau ol i no pret long ol polisman na ol i blokim ol rot na kam nau. Ol i laik dai long ges bilong ol," Gamu i tok.

Em i tok Duma, Polye, Basil, O'Neill na Namah ol i gat ples bilong ol, we ol papa, mama, brata, susa, gaden kaikai, bus, graun na wara, na ol arapela samt-ing i stap long ples bilong ol.

Wankain olsem tasol, Gamu i tok dispela LNG Projek bai bagarapim ol gaden kaikai, bus, wara, graun, na ol animol. Olsem na dispela mani bilong gavman bai stretim ol pipel long ol dispela kain bagarap dispela projek bai kamapim long ol wan-wan projek eria.

Gavana bilong Sauten Hailans, Anderson Agiru i singaut strong long O'Neill, Duma na Polye long peim-aut dispela mani bilong ol papagraun hariap na larim ol i go long

ples. Agiru i tok O'Neill, Namah, Duma na Polye i stap long Ministerial Ikonmik Komiti (MEC) long Kokopo UBSA taim na ol inap long save long olgeta samt-ing bilong LNG, na noken giamanim ol papagraun.

"Mi belhat long Tresara Don Polye bikos em i wok long giamanim ol pipel bilong mi. Em i bin stap long bipo gavman bilong Somare na sainim UBSA agrimen long Kokopo. Hamaspela taim em i tok em bai peim ol papagraun.

"Ol Hela na Sauten Hailans pipel i tingting long kantri bai kisim bikpela benefit long dispela projek. Ol i no bin askim mani pastaim long sainim agrimen. Nogat, gavman yet i bin tok long givim mani long rausim ges bilong ol. Nau gavman i mas peim ol, na mi gat strongpela bilip olsem O'Neill bai stretim dispela hevi bilong ol pipel bilong mitupela hariap," Agiru i tok.

Wankain taim, Polye i tok IDG mani em i no mani bilong givim nating long ol papagraun, tasol em i mani bilong stretim ol rot, bris, skul, hausik na ol arapela sevis long ol projek eria.

Aninit long UBSA agrimen, Polye i tok gavman i bin wanbel long givim K1.2 bilian insait long 10 yia long kirapim ol kain sevis long olgeta projek eria.

Em i tok aninit long UBSA, Hides PDL 1 bai kisim K20 milian, Kutubu PDL 2 bai kisim K10m, Gobe PDL 3/4 -K8.2m, Sentral Moran PDL 5-K6m, Not Wes Moran PDL 6-K4m, Saut Hides PDL 7-K15m, Angore PDL 8-K12m, Juha PDL 9-K11m, LNG Paipain K16.128m, na LNG Plen -K17.472m.

Polye i tok givimaut bilong dispela olgeta IDG mani i mas bihainim loa bilong wel na ges (Oil & Gas Act) na Pablik Fainens (Menis-men) Act na UBSA agrimen wantaim long larim ol lokol level gavman na provinsel gavman i yusim gut long mekim wok stret, na i no long givim nating long ol papagraun long yusim nating nating long dring bia, pilai pokis na maritim planti meri.

Tasol ol papagraun i wet stap yet long Mosbi long kisim ol dispela mani. Ol i save wet planti taim long Vulupindi Haus na las taim tasol klostu ol i mekim nambaut nambaut long dispela namba wan haus bilong gavman we dipatmen bilong Nesanel Plening na Fainens na Tresari i stap long en.

Nau ol i tok ol bai slip kirap wantaim Praim Minista long opis bilong en long Morauta Haus sapos gavman i no mekim wanpela gutpela toktok bikos nesanel ilekseen laik kamap klostu taim na ol les long westim taim na liklik mani bilong ol yet, long wet long Mosbi long kisim dispela mani.

PNG LNG Projek kisim bikpela masin bilong refaineri

Aja Alex Potabe i raitim

WANPELA bikpela hevi samting nau i stap long PNG LNG Plen Sait long Boera em, wanpela bikpela masin bilong LNG refaineri.

Dispel masin em i longpela, bikpela na hevi stret. Taim em i bin kam insait long kantri, em i bin pulim ai bilong planti ol manmeri husat i no bin lukim dispela kain samting bipo.

Nem bilong dispela masin em Amine Absoba (Amine Absorber), na hevi bilong en i makim 546 tan.

Wanpela bikpela masin ol i kolim kren i bin apim dispela amine absoba i kam ausait long sip long Motukea Ailan arere long Mosbi.

Oi i bin karim dispela amine absoba i kam along sip long Korea, na wanpela masin, we i gat 192 wil o taia i bin kisim dispela absoba i go gut tru long

projek sait.

Oi wokman i bin lukluk na tingting gut tru taim ol i bin karim i kam dispela hevi na namba wan LNG refaineri masin i kam long solwara na rot i go long LNG plent.

Taim ol wokman i stap long Motukea na karim i go dispela hevi masin long plen sait, nara-pela masin bilong karim dispela i bin ron long 5-kilomita long wan-wan awa, na ol sampela kar na manmeri i bin wet i stap.

Dispela Amine Absoba i save mekim bikpela wok long kamapim LNG. Em i save rausim ol ges nogut ol i kolim karbon-daioksait (Carbon Dioxide) long Frant En Enjinarin na Disain (FEED) bihain long ol i mekim ges i go kol na tanim i go long wara.



AMINE ABSOBA...Oi wokman bilong Esso Highlands Ltd i bin wokbung long kisim i kam insait long kantri dispela bikpela 546-tan Amine Absoba.



Pablik Notis

Pablik Employis Asosiesen Suparenuesen Fan (PEASF)

Nambawan Super i amamas long toksave olsem mipela i pinisim klinap wok long PEASF insait long wok bilong mipela olsem nupela Trasti bilong Fan, we Bank ov PNG yet i makim mipela long mun Me 2010.

Mipela i amamas long toksave olsem olgeta Memba bilong PEASF bai kisim pe inap long 70% i go insait long ol memba akaun bilong ol, bihainim ol akaun balens bilong wanwan. Dispela i makim wanpela bikpela wok kamap bilong Nambawan Super long holim strong na banisim seving balens bilong Fan, na mipela i bilip em bai halivim long strongim bek bilip bilong ol Memba long gutpela menesmen bilong suparenuesen olsem wanpela rot bilong inapim ol longpela taim seving.

Nambawan Super i tok tenkyu long olgeta PEASF Memba long belisi na luksave bilong ol long laspela 18 mun taim mipela i karimaut bikpela wok bilong stretim dispela Fan i bungim planti hevi pinis. Oi rekot nau i soim olsem mipela i stap nau long mak we mipela i ken go het long prosesim ol klem. Oi memba i mas lukluk long ol Askim Pepa na Frequently Asked Questions ol i kisim long traim ol namba wan rot bilong wanwan sindaun bilong ol.

Long kisim moa toksave, ringim Thomas Opa, Tim Lida SLA na PEASF, long 309 5251, o raun lukim wanpela brens opis bilong mipela, i stap long olgeta hap bilong Papua Niugini.

Tok Orait i kam long Paul Yangen, Ekting Menesing Dairekta

Nambawan Super. Mipela save lukautim bihain taim bilong yu

Liklik Bisnis...



Salim sofdring na jus long helpim famili

Nicky Bernard i raitim

MAMA Sala Kandeo em singel mama. Man bilong em i lusim em wantaim tripela pikinini na ol save stap long Morata namba 3 insait long Mosbi siti.

Sala i statim liklik bisnis bilong em tripela yia nau bihain long pikinini meri bilong em i givim em hap 500 koka kola katen na em stat long salim.

Dispela i mekim mama Sala i gat bikpela tingting long salim sampela samt- ing gen long go wantaim

dispela ol 500 koka kola katen bilong em. Em baim ol skon long bekari long Waigani na putim wantaim ol dring bilong em.

Sala save baim wanpela katen koka kola dring ol wokim long Papua Niugini long K55 ken, K68 long 500 mil na ol ovasis dring em save baim K32 long wanpela katen.

Mama Sala i tok, ol ovasis dring bilong em i save pinis hariap long wanem em save salim long K2 tasol. Papua Niugini dring em prais i save antap liklik na sampela taim em no

save salim gut.

“Mi save lukim, sapos PNG med dring bilong mi i planti, mi save haitim ol ovasis dring na salim bilong yumi PNG pastaim” Sala i tok.’

Sala bilong liklik ples Silim long Wabag, tasol em kam stap long Mosbi longpela taim nau. Em i save kirap long bikpela moning long stretim ol samting bilong em bilong maket. Long 6kilok em sindaun pinis long liklik maket bilong em long Renbo na salim ol kaikai na dring bilong em.

Fokas kep na sait bek stailim planti yangpela

Nicky Bernard i raitim

Fokas kep tu olsem em i isi long yu putim long het bilong yu, na yu ken taim go beksait na fran tu. Dispela kep ol yangpela bilong nau save laikim tru.

Planti long ol mama husat i save salim ol dispela kep na sait bek i save kisim gut mani long en. Nau long ol liklik maket long sait bilong rot, dispela tupela samting save pulim ai bilong ol manmeri.

Planti ol sumatin save laikim sait bek long wanem i gat sampela ol piksa bilong ples bilong ol o liklik toktok we ol save raitim save pulim ai bilong ol. Olsem planti ol yangpela yu lukim bai ol karim dispela sait bek.

PLANTI ol yangpela manmeri long rot long Mosbi, na sampela ol bikpela taun, i wok long stailim ol yet wantaim ol fokas kep na sait bek.

Ol dispela fokas kep na sait bek i kam planti tru nau. Sampela ol binis haus tu i wok long kamapim ol sait bek bilong ol yet long make- tim kampani bilong ol.

Planti bilong ol sumatin long ol bikpela skul i no moa karim solda bek, tasol ol i karim ol dispela sait bek i moa isi long karim long wanem, i gat rop we yu ken hagamapim long sait bilong yu.



Kumdi Jack em wanpela meri husat save stail ol yangpela wantaim ol maket bilong em olsem Fokas kep na Sait bek. Poto Nicky Bernard.



Rihabilitesen long KBK rot wantaim 'vetiva gras'

GUTPELA rihabilitesen program o wok bilong stretim gut graun i wok long kamap long dispela 9-kilomita rot stat long Kurumbukari (KBK) main i go daun olsem long Banu.

Dispela 9-kilomita rot em Ramu NiCo, divelopa bilong bikpela bilien Kina nikel/kobalt projek insait long Kurumbukari (KBK) maunten eria long Usino-Bundi distrik long Madang provins i wokim kamap.

Dispela rot i lukim kampani i katim sait sait bilong ol maunten wantaim ol bikpela masin bilong wok stat long arere long Ramu Riva na mekim rot bihainim maunten i go olgeta antap long KBK. KBK em ples we kampani i kisim nikel graun long en. Dispela 9-kilomita rot i bringim sevis tu long ol lokal pipel, husat long bipo i no save ron long kar i go antap long ples bilong ol long maunten. Moa long en tu dispela rot i bringim helt sevis, edukesen, na ol bisnis long ol lokal pipel insait long dispela maunten eria bilong KBK.

Dispela wok rihabilitesen i lukim ol wok lain bilong Helt, Sefti na Envairomen (HSE) i planim wanpela kain gras ol i kolim 'vetiva gras' long holim strong graun na graun bai noken bruk na pundaun bagarapim rot na ples.

Dispela rihabilitesen program wok i bin stat long mun Janueri 2012 na i bin ron inap long 8-pela wik olgeta olsem hap wok bilong Operesens Envairomen Menesmen Plen (OEMP) long sait long kontrolim graun bruk na kontrol plen na wanem ol wok long sait long rihabilitesen sab plen.

Dispela rihabilitesen i karamapim tu ol post-maining eria bikos wok maining bai kamap long dispela ol

eria long ol yia i kam. Envairomen Rihabiliten Progem long Ramu NiCo em Gavman i tok-orait long en insait long Envairomen Plen. Dispela plen i lukluk i go insait long wanem bilong stretim ol eria we wok i kamap long en long taim bilong wok konstraksen bilong rot na tu wanem eria bilong maunten rot i karim na ol arapela rot we developmen i kamap long en na i seif tumas.

Oi HSE wok lain i planim ol dispela 'vetiva gras' long ol eria we ol i lukim olsem graun bai us nabaut i bruk bihainim rot stat long KBK Main i go daun olsem long Banu.

Oi i plainim vetiva gras long dispela ol eria we rihabilitesen wok i kamap bikos vetiva gras i gat longpela ruts bilong en na tu dispela gras i save karamapim bikpela eria taim em i gro bikpela na dispela bai stopim graun long bruk bruk long ol eria we ol i i katim maunten na mekim rot long en.

Dickson Yoga, Envairomen teknisen wantaim Ramu NiCo long KBK Main eria i go pas long lukautim 6-pela lokal man long karimaut wok bilong planim ol vetiva gras. Oi i mekim dispela wok insait long 8-pela wik bilong rihabilitesen program. Oi dispela lokal man ol i kisim olsem kesual wok lain em: Michael John, Kelvin Tuma, Kurame John, Andrew Yoa, Yama John na Luke Ambo. Oi dispela lain em ol lokal lain bilong Kurumbukari SML eria.

Andrew Yoga, wanpela kesual wokman, husat i makim ol arapela i tok olsem: "Mipela i amamas long givim taim bilong mipela long mekim dispela rihabilitesen wok, "Tasol wanpela samting mipela i pret

liklik em long ol sinek na ol palai taim mipela wok long kisim ol gras long planim." Andrew i tok.

Tasol Ramu NiCo i luksave long sefti bilong ol na i givim ol PPE (Pesenal Protektif Ikwipmen) we ol i ken yusim long banisim ol egens wanem kain ol biru. Oi dispela samting em ol sefit su, ol helmet na ol rein-kot.

Wok long nau yet lukluk long ol rot na ol eria we developmen i senisim na ol maunten eria we rot i kamap long go long KBK Main. As tingting bilong rihabilitesen long dispela ol eria em long kontrolim ol graun long noken bruk.

Ramu NiCo i baim dispela ol vetiva gras long dispela Nesanel Agrikalsa Risets Institiut (NARI) long Aiyura, Isten Hailans provins.

Oi narapela main insait long PNG tu i wok long yusim vetiva gras long planim long stopim graun long bruk bruk na tu insait long wok rihabilitesen bilong ol. Oi i bilip long vetiva gras bikos em i gat longpela ruts bilong en na i save holim strong graun na graun i no save bruk long ol eria ol i planim long en.

Wanpela main we i yusim vetiva gras em long Kainantu main long Bilimoia insait long Isten Hailans provins.

"Wok bilong planim vetiva gras na pasin long yusim ol lokal lain i go wantaim bikpela het-tok o motto bilong Ramu NiCo em long "Wanpela Ramu NiCo, Wanpela Komyuniti".

Dispela wok long yusim ol lokal pipel em bringim gutpela veliu long sait bilong ol lokal pipel we ol i ken wok strong na tu luksave olsem dispela developmen bai i stap yet long ples bilong ol long bihain taim.



Andrew Yoga poinim gras ol I bin plainim arere long rot.



Oi local lain HSE Dipatmen i kisim long wokim wok long planim vetiva gras.



Vetiva gras we i grow pinis long KBK mine ples.

RAMU NiCO **Ramu NiCo redi long givim**
 Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.
 Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamak rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Oi dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Mobail benking bilong Dijisel bai helpim gut ol rurel pipel

Ol pipel insait long ol rurel eria bilong kantri nau inap long mekim Mobail Benking, na tok tenkyu i go long Benk bilong PNG (BPNG) na Dijisel Fainensel Sevis (DFS) Limitet.

Long dispela wik, Benk bilong PNG i bin prisenin namba wan Mobail Benking laisens i go long DFS Limitet.

Deputi Gavana bilong BPNG, Benny Popoitai, i tok bihainim driman bilong kantri na Visin 2050 we kantri i laik kamapim welt o pipel i mas sea long ol risos bilong kantri na kamapim gut laip na sindaun bilong ol, na daunim turangu pasin, BPNG i luksave olsem kisim ol fainensel sevis i go long planti hap bilong kantri bai strongim na pulim tingting bilong pipel long ol rurel eria long developim ol wok long fomol na infomol bisnis.

“Long dispela rot, kisim benking sevis i go long moa ples na pipel husat bai yusim ilektronik na mobail teknoloji, na givim fainensel skul bai strongim pipel long mekim gutpela seving, investmen na serim ol benefit na iekonomi bai groa,” Mista Popoitai i tok.

Mista Popoitai i tok ekspiriens long ol narapela kantri i soim olsem mobail benking i kamapim ol nupela senis long rot ol i wokim benking long en long wanem, em i opim narapela rot long pipel husat i no save wokim benking nau i ken kisim besik fainensel sevis.



EM ORAIT PINIS...Deputi Gavana bilong Sentral Benk (BPNG), Benny Popoitai (L) i givim setifiket bilong tok orait na ronim Mobail Mani Sevis long Digicel Sif Eksekyutiv Opisa (CEO), John Mangos. **Poto: Nicky Bernard.**

“Ol lain i yusim Dijisel i ken go long ol akaun bilong ol long mobail o tanim kes i go long ilektronik mani na yusim mobail fon bilong ol long salim na kisim mani long en. Dispela em i sans long PNG long kisim samting we senis

bilong nupela teknoloji i kamapim long go kisim i kam moa pipel long wokim benking samting long dispela kantri,” Mista Popoitai i tok.

Em i tok tru, mobail benking na mobail peimen sevis em i nupela

samting long PNG, tasol em i min olsem kisim moa fainensel sevis, yusim mobail fon, i go long pipel. Em i tok aninit long dispela sevis, pipel i ken sekim ol benk akaun balens, toksave long salim na kisim mani na ol narapela

moa.

Pipel long ol rurel eria na ol ples longwe long ol taun i ken baim ol mobail fon kredit o yunit, salim mani i go long wanem akaun, peim ol bil, na putim na rausim mani long benk o long ol ejen.

Mista Popoitai i tok BPNG i luksave long tripela kain mobail peimen sevis olsem, SMS benking bilong BSP benk yet, na Nesenwaid Maikrobenk's Mikes mobail mani sevis ol i traिम long Wes Nu Briten.

Namba tu em dispela we mobail netwok operetta (MNO) olsem Dijisel i givim. Aninit long dispela, ol i save transferim ilektronik mani long ilektronik wallet o paus, na bekim ap wantaim tru mani long tras akaun wantaim laisens benk. Namba tri em Pos PNG i save mekim wantaim Mobail Salim Mani Kwik (SMK) sevis.

Sif Eksekyutiv Opisa bilong Dijisel, John Mangos, taim em i tok tenkyu long BPNG long luksave long wok we Dijisel i wokim, i tok Dijisel i ken kisim ben king sevis bilong em i go aut long ol rurel eria. Dispela, em i tok, moa pipel i ken sevim mani bilong ol long benk.

Long rejista, ol kastoma i ken dailim *888# na presim sens o salim o kolim selmani outsos kol senta we yu no inap peim, em 1688.

Gaden kaikai i ken bilasim maket...



OL gaden kaikai i wok long kam planti nau long ol bikpela taun insait long kantri. Sampela long ol dispela kaikai bai prais i go antap long wanem, sampela taim ol dispela gaden kaikai save kam long longpela rot. Ol gutpela kaukau na poteto i save kam stret long Hailans bilong Papua Niugini. Na taim ol kam long ol nambis taun dispela rot ol bihain i no klostu. Olsem na prais long nambis i save antap liklik long as ples bilong ol stret. Lukim ol dispela naispela gaden kaikai, ol save kamapim gutpela kala long ol maket long sampela hap insait long ol bikpela taun.



Position Vacant: Senior Bookkeeper

Our client is looking for an experienced Senior Bookkeeper to be responsible for their Port Moresby office. This is a permanent position with excellent remuneration for the right candidate who will be required to work autonomously.

Standard bookkeeping duties including payroll, cash and debtor management form the backbone of this position. You must be able to demonstrate competency in MYOB and technical knowledge of salary and wages tax.

Please send a cover letter and CV to:

The HR Manager
DFK Hill Mayberry Chartered Accountants
P.O. Box 1029,
Port Moresby
NCU

Or email to dfkhr@dfk.com.pg

Applications close on the 1st March 2012.



STRETIM LEK: Billy Torea i stap insait long wanpela trening long mun i go pinis long Ragbi Yunion akademi long Nu Silan. *POTO: Digicel.*

SANAP: Bipo Inglen Kriket pilaia, Ceraint Jones i pilai wantaim ol mangi lng Hanuabada long NCD taim em i kam daun long PNG las wik. Jones bai pilai kriket wantaim PNG tim nau. *POTO: Chris Hyde/Getty Images)*



WANTOK: OI PNG manmeri husat i save stap long Tauanga long Nu Silan, i bin bung na amamas wantaim PNG nambis volibol tim bilong PNG taim ol i go pilai long hap las wik. *POTO: PNGVF.*



HOLIM EM: OI mangi pilai ragbi wantaim wanpela Coca Cola botol long Mosbi bipo long wanpela bikpela gem long Febuari 19. *POTO: Andrew Molen.*




PAITIM: OI sumatin long Milen Be traim save bilong ol long Kriket taim BSP na Cricket PNG i opim skul program bilong ol long hap long Febuari 15. *POTO: CPNG.*

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.



KARAMAP: Oi paitman i save werim dispela karamap long han bilong ol long ol semi kontek tonamen.

TROMOI LEK: Wanpela karate man i soim wanpela kik bilong ol.



Strongpela long olgeta

KARATE em i wanpela biknem masol ats we planti manmeri save long en. Em i wanpela masol ats we i kam aut long Siapan (Japan) na i gat nem long ol strongpela stail bilong en long pait na trening.

I gat planti kain Karate i stap, wanwan bilong ol i gat stail bilong ol yet tasol astingting bilong olgeta i wankain.

Dispela astingting em long skulim ol sumatin bilong ol long gutpela pasin, long harim tok, long yusim ol save na strong bilong ol long Karate long lukautim ol yet na ol arapela na tu long yusim gut insait long ol wanem kain wok na spots ol i stap insait long en.

Tasol karate i no wanpela masol ats tasol, em i wanpela bikpela sapot tu long Siapan, Amerika na long Yurop. I gat planti kain ol karate tonamen i save kamap, sampela i save putim karamap long han, lek na het na pait na sampela i save senisim o loa bilong pait bai ol pilaia i noken bagarapim ol yet., Tasol i gat wanpela karate ol i kolim Kyokushin Karate, we i gat nem olsem

strongpela Karate long olgeta arapela Karate.

Olgeta tonamen bilong Kyokushin Karate em ful kontek tasol, dispela i min olsem ol paitmanmeri insait long ol tonamen bilong ol i no save werim wanpela karamap long bodi bilong ol taim ol i pait.

Histri bilong gem

Karate i stat long Okinawa ailan long Siapan.

Oi i bungim ol bipo stail bilong ol long pait na bungim wantaim sampela stail bilong pait i kam long Saina (China). Dispela em i as bilong nem "Karate" we i min olsem "Chinese Hands" o "han bilong Saina."

Bihain ol i senisim as bilong dispela nem i go long "Empty Hand" o han nating.

Karate i no go insait long Olimpik Gems yet tasol em i wanpela bikpela spots insait long masol ats.

Oi ful kontek tonamen bilong Karate we i save kamap long Siapan bipo, i save

strong tru na ol i save kolim ol "Kumite." Kumite em pait we i save kamap namel long tupela karate sumatin bihain long trening o insait long tonamen. Long hap ol i save soim ol save na strong bilong ol we ol i lainim long trening bilong ol.

Loa na stail bilong pait

Wanwan tonamen i gat stail bilong ol long pait.

Long ol semi kontek tonamen, ol paitmanmeri save werim karampa long han, lek na het bilong ol tasol ol i no inap kik o tromoi han long sampela hap bilong bodi olsem long lek, het o bel bilong narapela.

Sampela semi kontek loa i save tok orait long werim karamap long lek tasol. Long ful kontek tonamen, olsem long Kyokushin Karate, yu ken kikim na paitim birua bilong yu long bodi na lek bilong em tasol i no long het, na i no long taim em i pundaun o i givim baksait long yu.

Insait long dispela loa tu, ol paitman i

no save werim wanpela karamap long bodi bilong ol.

Karate long PNG

Karate i strong long PNG, na i stap aninit long PNG Karate Federation. I gat planti ol karate skul i stap long PNG olsem Kyokushin, Goju, Shotokan na planti arapela.

Laspela taim Karate makim kantri long wanpela intanesenel tonamen em long 2011 Pasifik Gems long Nu Kaledonia we ol i winim wanpela gol medol long divisen bilong ol meri.

I gat planti ol biknem spots man bilong Karate i kamap long PNG pinis olsem Walter Schnaubelt, Bernard Soari, Silas Piskaut, Gabbie Yura na planti arapela. Em i wanpela spot bilong pait olsem kik-boksing na taekwando we PNG ken i kamap gut long en tu.

Oi Karate skul tu i mas i gat gutpela ples bilong trening olsem wanpela bikpela haus we ol i ken stap insait na trening tasol dispela tu in o isi long planti bilong ol long painim.



LUKAUT: Tupela meri pait insait long wanpela semi kontek tonamen. Oi i putim karamap bilong lek na han.



PAIT: Tupela paitman i mekim save insait long wanpela ful kontek kumite.

London makim 150 de moa



Rings

WANPELA bot i karim mak bilong Olimpik Gems na i ron aninit long bris long London long Tunde dispela wik olsem hap bilong London long amamasim 150 de moa bipo long ol pilai kamap long hap. Olimpik Gems bai kamap long London dispela yia na ol kantri wok redim ol tim bilong ol long go long dispela bikpela pilai.

Manly no wari long Hasler

NRL resis bai stat long tete nait na ol sempion bilong 2011, Manly Sea Eagles i tok, ol i no wari long olupela kosa, Des Hasler moa.

Faiv eit bilong Manly, Kieran Foran, i tok ol i no wari moa long Hasler na trening bilong ol tu i go strong moa aninit long nupela kosa, Geoff Toovey.

Hasler i bin stap wantaim Manly 27 yia olgeta olsem pilai na bihain kosa.

Tasol wanpela mun bihain long em i kisim ol igo winim gren fainol long 2011, em i lusim ol bihain long sampela kros na bel-hevi wantaim bod bilong klap.

Pri sisen bilong ol Sea Eagles i no ron gut tumas dispela yia bihain long ol kisim bikpela lus long ol Cronulla Sharks na tu Leeds Rhinos long wol klap salens.

Tasol Foran i tok ol pilai i amamas long trening na ol wok

redi bilong Toovey na i bilip ol i ken win gen olsem ol i mekim long 2011 sisen.

“Wok redi na trening bilong mipela i strong moa nau.

“Olgeta man i ai op long pilai na mipela i wankain tim tasol olsem long las yia,” Foran i tok.

Manly bai pilaim ol Warriors long dispela Sande na ol i gat tingting long statim sisen wantaim win agensim tim ol i daunim long gren fainol las yia.



TRAI: Manly bilip ol i ken win gen.



ORAIT: Lek bilong Inglis i orait na em bai pilai long Mande nait.

Inglis bai pilai

PLANTI ting Greg Inglis bai no inap pilai inap long raun tri tasol ol i kirap nogut long harim olsem em bai stap insait long Souths tim long pilai agensim Sydney Roosters long Mande wik i kam.

Inglis i bin bagarapim

skru bilong fut bilong em long All Stars gem bilong ol long stat bilong Febuari tasol lek bilong em i orait hariap tru na em i redi long pilai gen.

Nupela kosa bilong Souths, Michael Maguire i putim Inglis insait long skwat bilong

em bilong Mande nait na i salim Dyllan Farrell i go long fulbek na Nathan Meritt long wing.

Planti ting Meritt bai stat long namba wan jesi tasol Maguire i tok Farrell i pilai gut long hap long pri-sisen olsem na em bai stat long hap.

Hekari tasol

Andrew Molen i raitim

HUSAT bai stopim Hekari United FC?

Long NSL, ol i go pas wantaim 40 poin, dispela i 13 poin moa long Eastern Stars, husat ol i stap long namba tu ples wantaim 27 poin.

Na long O'lig resis, Hekari stap long namba tu ples insait long Grup B resis wantaim 7 poin.

Auckland City FC bilong Nu Silan i go pas wantaim 12 poin na namba tri ples i stap long Amicale FC bilong Vanuatu wantaim 4-pela poin.

I gat 4-pela moa raun i stap long NSL tasol i no luk olsem ol arapela tim bai nap long stopim o kam klostu long Hekari, husat ol i kisim inap poin pinis long go insait long fainol gen.

Na wantaim narapela gutpela yia bilong ol insait long NSL dispela sisen, i luk olsem ol arapela tim bai painim hat long daunim ol insait long fainol.

Olgeta samting i luk gut long Hekari na i gat bikpela bilip olsem ol i ken winim NSL gen na go insait long O'lig resis wanpela moa sisen.

Long O'lig gem bilong ol long Febuari 18, ol i givim Amicale 2-0 long Mosbi na las wik ol i mekim save long Tukoko University FC bilong Lae, 5-0.

Dispela wiken, raun 18, bai Hekari stap long malolo na i nogat tok olsem ol bai winim maina primisip taitol gen.

Long raun 19 bai ol i bungim Eastern Stars gen, raun 20 bai ol i kisim Besta PNG United na long laspela raun bai ol i skelim Petro Souths.



STRONG TUMAS: Eric Komeng bilong Hekari traim strong long pasim birua bilong em bilong Amicale long O' lig gem bilong ol long Mosbi long Febuari 18. POTO: Andrew Molen.

Poins leda bilong NSL nau i stap olsem;

Hekari United	40
Eastern Stars	27
Besta PNGFA United	25
Gigira Laitapo Central	19
MMJV Bulolo United	13
NBS Tukoko	11
Petro Souths	10

O'lig poins leda i stap olsem:

Grup B	P	Poin
Auckland City FC	4	12
Hekari United FC	4	7
Amicale FC	4	4
Koloale FC	4	0

PNG redim ol spot bilong 2015

Andrew Molen i raitim

PAPUA Niugini 2015 Gems Ogenaising Komiti (GOC) long las wik i tokaut long ol spots we bai kamap long 2015 Pasifik Gems long Mosbi.

12-pela spot em ol i makim stret long kamap na i gat narapela 24 spot we ol bai lukluk tu long putim.

Dispela 12-pela em ol "Compulsory sports" na narapela 24 em ol "optional sports".

Ol Compulsory spots em: etletiks, Basketbol, soka, golp, ragbi 7's, swimming, tebol tenis, tenis, Va'a, nambis voli-bol, indo voli-bol na weiltifting.

Na ol "Optional Sports" em: asri, besbol, biliad, bodi bilding, boksing, kriket, soka,

hoki, Judo, Karate, lon bols, netbol, pawalifting, ragbi lig 7's, ragbi 7's, seling, shuting, snuka, sofbol, skwas, sefing, Taekwando, tas ragbi na trait-eton.

Long wankain taim, GOC, i opim tu wanpela resis bilong ol manmeri long traim na kamapim wanpela logo o piksa we bai makim dispela gems.

Dispela logo resis em i op long olgeta manmeri na ol i givim aut 10, 000 entri fom bilong dispela kompetisen i go aut pinis long ol skul insait long NCD.

Ol i opim tu progrem bilong kisim ol voluntia o ol manmeri husat i laik givim han long mekim ol wok long taim bilong gems.

Wanpela grup bai kamap long skelim olgeta logo o

piksa na wanpela tasol bai win.

Long win, dispela piksa i mas soim tru astingting na spirit bilong Pasifik Gems na Mosbi siti we gem bai kamap long en.

Logo o mak bilong Pasifik Gems kaunsil na piksa bilong solwara we i makim tripela rijen insait long Pasifik, Melanesia, Maikronesia na Polinesia.

Siaman bilong GOC, Emma Waiwai, tok Pasifik Gems em i bikpela bung bilong olgeta Pasifik Kantri na i mas i gat ol gutpela manmeri bilong wok husat i gat gutpela save na pasin long helpim wantaim ol wok na arapela samting i kamap gut long taim bilong gems.

"Em i taim bilong soim ol namba wan spotsmanmeri bi-


long Pasifik tasol em i taim tu bilong soim ol pasin na kalsa bilong PNG long ol," Waiwai tok.

Em i tok GOC i laikim ol manmeri gutpela manmeri husat i ken wok olsem ol voluntia long taim bilong gem.

I gat 9-pela eria we ol i laikim ol voluntia long en, dispela em: spots menesmen, reventu, marketing na komyunikesen, sekuriti, gems sapat sevis, ol seremoni na kalsarel bung, teknoloji na system, humen risos na komesol sevis.

Waiwai tok Pasifik Gems em i bikpela bung tru na kain samting olsem i save kisim planti yia na mun long redim.

Em i singaut long olgeta manmeri mas wokbung wantaim nau long pinis olgeta wok redi hariap, bipo long yia 2015.



Wok plen bilong 2015 Grasruts i go long Gol

EM i bin luk olsem i nogat inap taim bilong ol wokmanmeri bilong PNG Spots Faundesen long wokbung na kamapim wanpela wok plen bilong 2015 Grasruts i go long gol progrem, tasol wanpela trening woksop we i ron wanpela wik, i bin inap long helpim ol long redi long namba 15 Pasifik Gems long 2015.

Long sait bilong olgeta wok redi tru, yumi stap tupela yia bihain long ol wok redi bilong yumi long Pasifik Gems.

Ol wok redi nap kamap bihain tasol long yumi winim tok orait tasol dispela i no kamap.

Na long wanem as tru, yumi no save. Sampela i sutim tok long PNG Spots Faundesen (PNGSF) na PNG Spots Federesen na Olimpik Komiti (PNGSFOC) na sampela i sutim tok long Nesenel Gavman long ol i no givim mani bilong dispela ol wok hariap.

Wanem as tru long dispela em yumi no save tasol wok bilong PNGSF i mas kamap.

Dispela bai opim rot bilong olgeta arapela wok redi na nogat samting i mas pasim.

Taim i sot pinis tasol PNGSF i mas go het yet long lukim olsem dispela plen i mas kamap bai em i ken opim rot bilong ol arapela wok redi long kirap.

I gat tupela bikpela eria bilong wok redi, wanpela em infrastraksa o ol bilding, pilai graun na ol arapela samting olsem.

Na narapela wok redi em wok bilong redim ol pilai na ofisol bilong dispela gem.

Dispela em i bikpela samting tru, na wok bilong em i stap long han bilong PNGSF na PNGSFOC.

Wok bilong dispela tupela ogenaisesen i no wankain tasol astingting bilong ol em i wankain, dispela em long helpim olgeta manmeri.

Insait long dispela wanpela wik woksop, PNGSF i bungim olgeta spots opisa bilong Kokopo, Goroka, Lae na Mosbi long March Girls risot long Sentrol provins.

Long hap, ol i lukluk long sampela ol bikpela samting insait long spots na ol wok redi bilong ol.

Namba wan samting tru ol i toktok long en em wok bilong luksave long ol gutpela pilai na helpim long trenim na developim ol.

Bihain long dispela, ol i toktok long pasin bilong wokbung na helpim narapela.

Narapela bikpela samting ol i toktok long en tu em wok bilong lukim na skelim ol hevi na ol samting we i kamap gut.

Ol pilai graun na ples bilong trening na i stap long ol toktok bilong ol tu.

Wok bilong painim na luksave long ol gutpela pilai na trening ol, bai stap nau olsem bikpela wok bilong ol wokmanmeri bilong Nesenel Spots Institut (NSI).

Ol bai go pas long ronim dispela progrem we bai makim ol mangi namel long 12 na 17 krismas.

Wanwan Nesenel Federesen bilong wanwan spots bai wokbung wantaim NSI long dispela progrem.

NSI bai givim wane mol yangpela pilai ol i painim, i go long ol nesenel federesen long trenim na developim long redi long 2015 gems.

Tasol yumi mas tingim tu ol ofisol husat ol i mas redi long stap insait long 2015 Gems.

Ol pilai bai resis tasol ol ofisol bai go pas long ronim gem.

Ol Nesenel na Rijinel progrem menesa bai go pas long wok bilong skulim na developim save na wok bilong ol ofisol.

Dispela wok tu bai gat wokbung bilong ol wanwan nesenel federesen.

Ol Nesenel Federesen bai givim ol nupela kwalifikesen we ol ofisol bilong ol i mas kisim o gat na PNGSF bai painim ol ples na risos bilong ol long kisim trening o wok bilong bungim dispela ol kwalifikesen.

PNGSF yet i no inap long mekim ol dispela samting.

Em i mas kisim wokbung na helpim bilong olgeta stekholda na patna bilong en.

Ol dispela stekholda na patna em nesenel na provinsol Gavman, Edukesen Dipatmen, Helt, ol NGO na kopret sekta.

Wokbung em i astingting bilong dispela kain wok.

PNGSF tu i mas wokhat long kamap dispela gutpela wokbung wantaim ol dispela stekholda na lukim tu olsem em i kamap na ron gut.

Olgeta wok bilong ol i mas kamap wantaim dispela kain wokbung.

Mangi PNG redi long makim kantri...

i kam long bek pes..

tim long Fraide avinun na lukim ol gem bilong Mosbi long Sarere.

Jones i go tu long ol skul kriket klinik bilong ol sumatin long Bavaroko praimer skul nap les Hanuabada.

Em i stap insait tu long

namba wan trening bilong em wantaim ol wanpilai bilong em long PNG Barramundis tim.

Raun bilong Jones i kisim em i go long bikpela bung bilong CPNG long las wik Sarere we em i toktok long tingting na laik bilong em long pilai bilong PNG na tu

long laip stori bilong em long PNG.

Em i amamas long PNG amamas tasol long kisim em i go insait long tim na i redi tasol long pilai strong long dispela T20 wol kap kwalifaia long Dubai.

Geraint i stap wantaim olgeta memba bilong PNG tim

nau long Canberra, Australia, we ol bai trening na tu pilai wanpela gem wantaim Invitational ACT sait long hap.

Bihain bai ol i kam bek long wanpela wik trening long Mosbi gen bipo ol i go long Dubai long Mas 9 long pilai.

Jones em mangi PNG

Redi tasol long makim kantri

Andrew Molen i raitim

Mama i bin karim Jones long Kundiawa, Simbu Provins, bipo ol i go long Australia we em i bikpela long en na go bek long Inglen.

Long las wik Fraide, em i kam bek gen long PNG we em i bung wantaim ol Hebou PNG Barramundis na sampela ol wokman bilong Cricket PNG (CPNG).

Em i bin kam daun wantaim Peter Anderson na tupela i tren wantaim PNG [Moa long Pes 27](#)

EM i pilai intanesenel gem pinis wantaim wanpela nambawan kriket tim long wol, tasol nau, Geraint Jones em mangi Papua Niugini.

Bipo wiket kipa bilong Inglen, Jones, i bin tokaut long stat bilong dispela yia olsem em i laik pilai wantaim kantri we mama i bin karim em long en.

PHOTO: CHRIS HYDE/GETTY IMAGES

NUPELA TIM: Geraint Jones i wanbel long lusim Inglen na kam pilai wantaim PNG long T20 wol kap kwalifaia dispela yia.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.

**P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."**